

Në përputhje me nenin 20 të Ligjit për Sportin, Ligjit Nr. 06/L- 043 për Lirinë e Asociimit në Organizata Joqeveritare në harmoni me Statutin e Komitetit Olimpik të Kosovës, Federatës Botërore të Peshkatarëve , në mbledhjen e Kuvendit të **FPSRK** të datës: 23.02.2025, miratoi këtë:

S T A T U T

Federata e Peshkatarëve Sportiv Rekreativ të Kosovës

Prishtinë 23.02.2025

PËRKUFIZIMET

Termat e përdorura më poshtë do të kuptohen si vijon:

FPSRK: Federata e Peshkatarëve Sportiv Rekreativ të Kosovës

Kuvendi i Përgjithshëm: Organi më i lartë dhe legjislativ i **FPSRK**.

Federata: Federata e Peshkatarëve Sportiv Rekreativ të Kosovës është anëtare e FIPS ,KOK.

Federata e Peshkatarëve Sportiv Rekreativ të Kosovës: Sport i kontrolluar dhe e organizuar nga FIPS, , **FPSRK** në përputhje me Rregulloren e garave.

CAS-Vendor : Gjykata e Arbitrazhit për Sportin, (Kosovë).

CAS: Gjykata e Arbitrazhit për Sportin, me seli në Lozanë (Zvicër).

Shoqata-Klubi : anëtar i **FPSRK** -së

Delegat: person fizik që përfaqëson në mënyrë të vlefshme një anëtarë në Kuvendin e Përgjithshme.

Bordi : Organi ekzekutiv, strategjik dhe mbikëqyrës i **FPSRK** -së.

Federata Botërore e Peshkatarisë.

Garat: Të gjitha garat e Peshkatarisë në Republikën e Kosovës mundë të organizohen vetëm nga Federata e Peshkatarisë, ose organi i autorizuar nga Bordi i FDTR-së.

Anëtar: Klubet e Peshkatarisë;

Zyrtar: çdo anëtar i Bordit , anëtar i komisioneve, Gjyqtar, trajner dhe çdo person tjetër përgjegjës për çështje teknike, mjekësore dhe administrative në **FPSRK**, ose një klub ose shoqatë, si dhe çdo person tjetër i detyruar të veprojë në përputhje me statutin e FIPS ose **FPSRK** -së.

Peshkatari : Peshkatar-e i licencuar nga **FPSRK**.

DISPOZITA TË PËRGJITHSHME PREAMBULA

Federata e Peshkatarëve Sportiv Rekreativ të Kosovës është themeluar më **23/04/2002** dhe është anëtare e Federatës Botërore të Peshkatarisë (FIPS) prej vitit 24.10.2021 . Federata e Peshkatarisë e Kosovës është anëtare e Komitetit Olimpik të Kosovës.

Federata e Peshkatarëve Sportiv Rekreativ të Kosovës është entiteti i vetëm kompetent për të organizuar dhe përmirësuar vazhdimisht të gjitha llojet garave të; Peshkatarisë, dhe ti promovojë, ti organizoj, ti udhëheq dhe kontrollojë atë në të gjitha format e saj në të gjithë territorin e Republikës së Kosovës.

NENI 1
FORMA JURIDIKE ,EMRI,FORMA ADRESA DHE SELIA

1. **Federata e Peshkatarëve Sportiv Rekreativ të Kosovës** është person juridik, e organizuar si Federatë, e cila përfaqëson bashkimin vullnetar të shoqatave-klubeve sportive të Peshkatarisë në Republikën e Kosovës.

2.Emri i Federatës është:

Federata e Peshkatarëve Sportiv Rekreativ të Kosovës

Savez Sportsko Rekreativnih Ribolovaca Kosova

Kosovo Federation of Sports Recreational Fishermen

3.Akronimi i **Federata e Peshkatarëve Sportiv Rekreativ të Kosovës** është **FPSRK**.

4. **Federata e Peshkatarëve Sportiv Rekreativ të Kosovës** posedon edhe xhirollogarinë e vetë;

5.Federata e ka logon, vulën dhe flamurin e vet.

6.Flamuri i Federatës ka formën e njëjtë sikurse logoja

7. Selia e Federatës e Peshkatarisë e Kosovës është në Prishtinë, Adresa: Shtëpia e sporteve (House of Sport) Kati II, nr.00 Rr. Agim Ramadani nr.253, 10000 Prishtinë, Kosovë.

NENI 2
QËLLIMET E FEDERATËS

Qëllimet e FPSRK-së janë:

Në mënyrë të ndershme dhe vlerave të saj bashkuese, edukative, kulturore dhe humanitare, veçanërisht përmes programeve të zhvillimit;

b)Të organizojë garat në të gjitha format e njohura nga FIPS duke përfshirë në nivel kombëtar, ndërkombëtar, duke përcaktuar saktësisht, fushat e kompetencave dhe të drejtën e delegimit për gara të ndryshme (nëse ka të tilla) që përfshihen në FPSRK;

c) Të hartojë rregullore dhe dispozita dhe të sigurojë zbatimin e tyre;

d) Të mbrojë interesat e peshkatarisë dhe të anëtarëve të saj, dhe të ndihmojë anëtarët për zgjidhjen e mosmarrëveshjeve mes tyre;

e) Të kontrollojë dhe të parandalojë çdo shkelje të statuteve, rregulloreve, direktivave dhe vendimeve të FIPS ,KOK dhe FPSRK-së si dhe rregullave të garave , dhe të sigurojë që ato të respektohen edhe nga anëtarët, klubet, shoqatat, peshkatarët, zyrtarët, agjentët dhe ndërmjetësit;

f) Të promovojë integritetin, etikën dhe garën e ndershme me qëllim parandalimin e të gjitha metodave ose praktikave, të tilla si korrupsioni, dopingu ose manipulimi i garave , të cilat

mund të rrezikojnë integritetin e garave , disiplinave , peshkatarëve, zyrtarëve dhe anëtarëve ose të shkaktojnë abuzim me Peshkatarisë.

g) Të promovojë dhe të forcojë parimet dhe praktikat e qeverisjes së mirë në nivelin kombëtar dhe të inkurajojë anëtarët e saj të miratojnë parimet e qeverisjes së mirë, brenda vetë anëtarëve;

h) Të promovojë zhvillimin e Peshkatarisë dhe pjesëmarrjen e plotë të femrave në të gjitha nivelet e qeverisjes së Peshkatarisë;

i) Të kontrollojë dhe të mbikëqyrë garat në nivel kombëtar dhe të kontrollojë dhe mbikëqyrë të gjitha format e garave ndërkombëtare të Peshkatarisë të luajtura në të gjithë territorin e Republikës së Kosovës, në përputhje me statutin dhe rregulloret përkatëse të FIPS.

j) Të administroj marrëdhëniet sportive ndërkombëtare të lidhura me Peshkatarinë, me të gjithë partnerët (p.sh. FIPS Komitetin Olimpik të Kosovës);

k) Të organizojë gara pritëse në nivele ndërkombëtare dhe nivele të tjera;

l) Të promovojë dhe të mbështesë iniciativat e anëtarëve të saj, për rritjen e të ardhurave të tyre në përputhje me ligjet e Republikës së Kosovës;

m) Të sigurojë transparencë dhe të bëjë publike aktivitetet e FPSRK-së, për sa është e mundur, dhe raportet financiare vjetore të saj.

o) Parandalimin dhe Luftimi i dopingut në sportin e peshkatarisë.

NENI 3 DETYRIMET

FPSRK merr përsipër:

a) Të investojë të organizoj aktivitetin e sajë.

b) Të respektojë në çdo kohë statutin, rregulloret, vendimet e FIPS, FPSRK, KOK-ut, Kodin e Etikës së FIPS, vendimet e CAS-it dhe rregulloret tjera të detyrueshme për FPSRK-në;;

c) Të respektojë **Ligji nr. 05/I-075 për parandalimin dhe sanksionimin e dhunës dhe dukurive negative në ngjarjet sportive.**

d) Të luajë rol aktiv lidhur me aktivitetet sportive të FIPS;

e) Të respektojë parimet e besnikërisë, integritetit dhe sportivi tetit në frymën e ferpleit;

f) Të respektojë rregullat e garave të miratuara nga FIPS dhe FPSRK;

g) Të njohë juridiksionin e CAS-it, siç specifikohet në dispozitat përkatëse të statuteve të FIPS, dhe FPSRK-së;

h) Të administrojë punët e saj në mënyrë të pavarur dhe të sigurojë që çështjet e veta të mos ndikohen në mënyrë të papërshtatshme nga ndonjë palë e tretë dhe të parashikojë një procedurë që garanton pavarësinë e plotë të zgjedhjeve ose emërimeve të anëtarëve të

organeve të FPSRK-së, në veçanti një procedurë e cila është e pavarur nga çdo ndërhyrje apo ndikim i papërshtatshëm politik;

i) Të veprojë në përputhje me konventat e Anti-Dopingut dhe dispozitat e tjera të legjislacionit në fuqi, për parandalimin dhe Luftimi i dopingut në sportin e Peshkatarisë. ;

j) Të sigurojë që anëtarët, shoqatat, klubet, peshkatarët , zyrtarët të bien dakord, se përmes statuteve të tyre, licencës, regjistrimit ose çdo dokumenti tjetër të shkruar, do të respektojnë detyrimet e sipërpërmendura;

k) Të komunikojë me FIPS, MKRS, KOK çdo ndryshim të statutit të FPSRK-së përmes përkthimit, nëse është e nevojshme, në një gjuhë zyrtare të FIPS.

l) Ta respektojë Ligjit për Sportit Nr. 08/L-227

NENI 4

NEUTRALITETI DHE PAVARËSIA INSTITUCIONALE

1. FPSRK është neutrale lidhur me çështjet e politikës dhe të fesë.

2. Anëtarët e FPSRK-së do të jenë gjithashtu neutralë lidhur me çështjet e politikës dhe fesë dhe do të sigurojnë që anëtarët e tyre të qëndrojnë neutralë në këto çështje.

3. FPSRK mbetet e pavarur dhe shmang çdo formë të ndërhyrjeve të papërshtatshme politike. FPSRK i menaxhon punët e saj në mënyrë të pavarur dhe sigurohet që çështjet e veta të mos ndikohen në mënyrë të papërshtatshme nga ndonjë palë e tretë.

NENI 5

PROMOVIMI I MARRËDHËNIEVE MIQËSORE

1. FPSRK do të promovojë marrëdhënie miqësore midis anëtarëve të saj, shoqatat, klubeve, zyrtarëve, peshkatarëve etj.

2. FPSRK do të sigurojë mjetet e nevojshme institucionale për të zgjidhur çdo mosmarrëveshje të brendshme që mund të lindë midis anëtarëve, klubeve, zyrtarëve dhe peshkatarëve, referve etj.

NENI 6

GARAT DHE TË DREJTAT PËR ORGANIZIMIN E GARAVE

1.FPSRK zhvillon aktivitete në Republikën e Kosovës përmes organizimit të garave kombëtare, rajonal, ndërkombëtare etj.

2. Bordi mund të shtojë gara që nuk parashikohen në paragrafin 1 më sipër, dhe mund të vendosë pezullimin e përkohshëm të një ose më shumë gara të mësipërme.

3. Çdo subjekt i interesuar për të organizuar një ose më shumë gara jashtë kalendarit të garave të miratuar nga FPSRK, ose aktivitete të veçanta në Republikën e Kosovës duhet së pari të marrë leje nga FPSRK për këtë qëllim.
4. Kompetenca për organizimin e garave ndërkombëtare midis klubeve reprezentacionit i takon vetëm FIPS dhe FPSRK-së. Asnjë garë e tillë nuk do të zhvillohet pa lejen paraprake të FIPS dhe/ose FPSRK-së në përputhje me këtë statut.
5. FPSRK dhe secili nga anëtarët e saj do të bëjë gara në përputhje me Rregulloren e garave të nxjerra nga FIPS dhe FPSRK .
6. Vetëm FIPS mund të vendosë dhe të ndryshojë rregulloren e garave .

NENI 7 REPREZENTACIONI

1. Uniforma e reprezentacionit shtetëror dhe detajet tjera vendosen nga bordi i FPSRK.
2. Selektorët e reprezentacionit janë të emëruar nga bordi i FPSRK. bazuar në propozimet e Këshillit Profesional të FPSRK. Mandati i tyre është një vjeçar, me të drejtë rizgjedhjeje.
3. Selektori duhet të jete trajner i ndonjë klubi të Peshkatarëve po ashtu të ketë një provoj sportive si sportist aktiv.
4. Selektori i kategorisë i bën propozimet e reprezentuesve për garat ndërkombëtare kurse bordi i FPSRK i shqyrton dhe i miraton.

NENI 8 SJELLJA E ORGANEVE, ZYRTARËVE, TRAJNERVE REFERVE DHE TË TJERËVE

1. Të gjitha organet dhe zyrtarët e FPSRK-së duhet të respektojnë statutin, rregulloret, vendimet, dhe Kodin e Etikës së FIPS, dhe të FPSRK-së në aktivitetet e tyre, si edhe parimet e garës së drejtë, të ndershme, të integritetit dhe sportivitetit.

ANËTARËSIA

NENI 9 PRANIMI, PEZULLIMI DHE PËRJASHTIMI

1. Vendimin për pranimin, pezullimin ose përjashtimin e një anëtari e merr Kuvendi i Përgjithshme e FPSRK-së.
2. Pranimi bëhet nëse kandidati përmbush kërkesat e specifikuara në këtë statut. Bordi mund të pranojë një kandidat për anëtarësim vetëm në mënyrë të përkohshme.
3. Anëtarësia në FPSRK përfundon,
 - a) Me anë të shpërbërjes,

b) Mos pjesëmarrje një vit në garat e FPSRK,

c) Dorëheqjes ose përjashtimit të anëtarit.

Humbja e anëtarësisë nuk e çliron anëtarin nga detyrimet e tij financiare ndaj FPSRK-së, ose anëtarëve të tjerë të FPSRK-së, të kërkueshme deri në atë moment, por çon në humbjen e të gjitha të drejtave në lidhje me FPSRK-në. Bordi mund të ndërmarrë çdo lloj hapi për të mbështetur anëtarin, ose mund të detyrojë pasardhësin e tij të mundshëm ligjor të përmbushë të gjitha detyrimet financiare të anëtarit të larguar para pranimit.

NENI 10 ANËTARËSIA

1. Anëtarësimi në FPSRK është ekskluzivisht i hapur për personat juridikë të përcaktuar në bazë të ligjit për sportin dhe ligjin për OJQ, të cilët veprojnë dhe janë të regjistruar në Republikën e Kosovës.

2. Anëtarësia e FPSRK-së përbëhet nga:

a) Klubet-shoqatat e Peshkatarëve;

b) Komisioni i sportistëve;

4. FPSRK mban një regjistër të anëtarëve të saj. Regjistri përfshin informacionin e mëposhtëm për secilin anëtar:

a) Numrin unik të identifikimit;

b) Informacion shtesë, në veçanti lidhur me licencimin e Shoqatës-klubit (p.sh. strukturën e klubit, identitetin; rezultatet), sipas vendimeve të Bordit.

c) Informacioni i përditësuar do të bëhet publik në faqen e internetit të FPSRK-së.

5. Me kërkesë paraprake, FPSRK konfirmon me shkrim statusin e anëtarit.

6. Klubet-Shoqatat e reja që dëshirojnë të behën pjesë e FPSRK përfaqësuesit e tyre zyrtar të cilat janë të dënuar nga ndonjë Federatë tjetër apo ndihen si problematik, Klubet e tyre që ata drejtojnë s'mund të pranohen nga FPSRK.

NENI 11 PRANIMI

1. Çdo klub-shoqatë i Peshkatarisë që dëshiron të bëhet anëtar i FPSRK-së duhet të bëjë kërkesë me shkrim pranë Sekretarit të Përgjithshëm të FPSRK-së. Sekretari i Përgjithshëm i konfirmon kandidatit paraqitjen e kërkesës.

2. Kërkesa duhet të shoqërohet detyrimisht me dokumentet e mëposhtme:

a) Certifikata e OJQ kopje

- b) Vërtetimi për regjistrim e klubit në Komunën përkatëse.
 - c) Vërtetim të personit të autorizuar të klubit nga OJQ,
 - d) Vërtetim nga gjykata për përfaqësuesin e klubit që nuk është i dënuar me vendim të formës së prerë.
 - e) Vërtetimi për shlyerjen e detyrimeve tatimore nga ATK-ja
 - f) Një kopje të vlefshme të statuti konfor statutit të FPSRK
 - g) Një kopje të vlefshme të rregulloren e kuvendit
 - h) Një kopje të vlefshme të rregulloren e bordit
 - i) Një kopje të vlefshme të rregulloren disiplinore
 - j) Klubi duhet të ketë llogari bankare aktive.
 - k) Klubi duhet të ketë logon e saj.
 - l) Klubi duhet të ketë flamurin e saj.
 - m) Klubi duhet të ketë vulën e saj.
 - n) Klubi duhet të ketë trajner të licencuar nga institucioni universitare të edukimit fizik, ka diplomë ose certifikatë të vlefshme për trajner në përputhje me nivelin përkatës të Kornizës Kombëtare të Kualifikimeve, të lëshuar nga një institucion i akredituar nga agjencitë përkatëse në Republikën e Kosovës, apo ka licencë për trajner të lëshuar nga një institucion i akredituar jashtë Republikës së Kosovës.
- Profesionin e trajnerit mund ta ushtrojë personi i cili përmbush kushtet për të shërbyer si trajner sipas ligjit për sport.
- o) Një deklaratë ku klubi angazhohet se do të veprojë në përputhje me statutin, rregulloret dhe vendimet e FPSRK-së, FIPS dhe të sigurojë që këto dokumente do të respektohen gjithashtu, nga anëtarët e shoqatave, klube, zyrtarët dhe Peshkatarët e tij/saj (nëse është e zbatueshme);
 - p) Një deklaratë ku kandidati angazhohet se do t'i drejtohet si shkallë e fundit (d.m.th. pas shqyrtimit të të gjitha forumeve të brendshme të FPSRK-së) për çdo mosmarrëveshje të dimensionit kombëtar që lind ose lidhet me statutin, rregulloret, direktivat dhe vendimet e FPSRK-së vetëm të CAS në Kosovë.
 - q) Një deklaratë ku kandidati angazhohet se përbërja e tij ligjore garanton se ai mund të marrë vendime në mënyrë të pavarur nga ndonjë subjekt i jashtëm dhe të sigurojë që çështjet e tij të mos ndikohen në mënyrë të papërshtatshme nga ndonjë palë e tretë, në veçanti që ai është i pavarur nga çdo ndërhyrje apo ndikim politik i papërshtatshëm;
 - r) Një deklaratë ku shprehet se anëtarët e organeve të veta janë zgjedhur ose emëruar si rezultat i një procedure që garanton pavarësinë e plotë të zgjedhjeve ose emërimeve, nga çdo ndërhyrje apo ndikim politik i papërshtatshëm;
 - s) Anëtari i ri do të fitojë të drejtat dhe detyrat e anëtarësisë në momentin kur klubi-shoqata ti ketë ndjekur 1 vit të rregullt të garave me se paku 5 sportist-e, delegati i tij ka të drejtë të

votoj në kuvendin e radhës i cili i bie një vit pas pranimit të tij në nga Kuvendit të Përgjithshme.

3. Nëse klubi-shoqata nuk i përbush të gjitha pikat e këtij statuti, klubi-shoqata në fjalë nuk dërgohet në kuvend për pranim deri në plotësimin e të gjitha pikave të parapara me këtë statut.

4. Pranimi e klubeve-shoqatave e bënë Kuvendi me shumicës (50%+1) e delegatëve me të drejtë vote në Kuvendin e Përgjithshme.

NENI 12

KËRKESA DHE PROCEDURA E APLIKIMIT

Sekretariati i Përgjithshëm verifikon përmbushjen e kërkesave të parashikuara në këtë statut dhe përgatit një raport me shkrim për Bordit.

2. Bordi e pranon anëtarin me të drejta të përkohshme dhe i mundëson pjesëmarrje në gara deri në kuvendin e radhës.

3. Bordi do të shqyrtojë raportin me shkrim dhe do të vendosë nëse kërkesa për anëtarësim i plotëson të gjitha kërkesat dhe sipas statutit të FPSRK,

4. Bordi i kërkon Kuvendit të Përgjithshme të pranojë ose jo klubin-shoqatën pasi që klubi-shoqata ti këtë plotësuar të gjitha kërkesat dhe sipas statutit të FPSRK.

NENI 13

TË DREJTAT E ANËTARËVE

1. Anëtarët e FPSRK-së gëzojnë të drejtat e mëposhtme:

- a) Të marrin pjesë në Kuvendin e Përgjithshme, të njihen më parë me rendin e ditës së çdo Kuvendi të Përgjithshme, të ftohen në Mbledhjen e Kuvendit të Përgjithshme në kohën e përcaktuar, të ushtrojnë të drejtën për të diskutuar dhe debatuar në Kuvend dhe të ushtrojnë të drejtën për të votuar. E aplikueshme për anëtarët me të drejtë vote.
- b) Të paraqesin propozime për t'u përfshirë në rendin e ditës së Kuvendit të Përgjithshme E aplikueshme për anëtarët me të drejtë vote.
- c) Të propozojnë kandidatë për zgjedhje dhe/ose emërim në organet përkatëse të FPSRK-së . E aplikueshme për anëtarët me të drejtë vote siç e parasheh ky statut.
- d) Të informohen për çështjet e FPSRK-së përmes organeve të saj zyrtare dhe të informohen për vendimet e marra nga Bordi ;
- e) Të marrin pjesë në gara (nëse është e zbatueshme) dhe/ose aktivitete të tjera sportive të organizuara nga FPSRK-ja dhe të organizojnë gara tjera pasi ti ipet e drejte nga FPSRK-ja dhe nën kujdesin e saj;

f) Të ushtrojnë të gjitha të drejtat e tjera që burojnë nga statuti dhe në përputhje me rregulloret dhe vendimet e FPSRK-së;

g) Të nxjerrin rregullore vetëm në lidhje me funksionin e tyre administrativ, organizimin dhe autoritetin territorial (nëse është e rëndësishme).

2. Ushtrimi i këtyre të drejtave i nënshtrohet zbatimit të dispozitave të tjera në këtë statut dhe në rregulloret e zbatueshme të FPSRK-së.

NENI 14

DETYRIMET E ANËTARËVE

1. Anëtarët e FPSRK-së kanë detyrimet e mëposhtme:

a) Të jenë besnikë ndaj FPSRK-së, që do të thotë se ata nuk duhet të veprojnë kundër interesave të saj;

b) Të respektojnë plotësisht statutin, rregulloret, vendimet e FIPS dhe FPSRK-së ,Komisioneve në çdo kohë dhe të sigurojnë që ato të respektohen edhe nga anëtarët, Peshkatarët dhe zyrtarët e tyre;

c) Të sigurojnë zgjedhjen e organeve vendimmarrëse të paktën çdo 4 vjet;

d) Të mbledhin organin e tyre më të lartë dhe legjislativ në intervale të rregullta, si rregull i përgjithshëm një herë në vit;

e) Të marrin pjesë në gara (nëse është e zbatueshme) dhe aktivitete të tjera sportive të organizuara nga FPSRK-ja;

f) Të paguajnë kootizimin e anëtarësisë dhe të jenë të qëndrueshëm sa u takon detyrimeve të tyre financiare, siç përcaktohet në këtë statut, rregulloret ose me vendimin e Bordit të FPSRK-së;

g) Të respektojnë Rregulloren e garave të përcaktuara nga FIPS, FPSRK-së, dhe të sigurojnë që ato të respektohen gjithashtu nga anëtarët e tyre, Peshkatarët dhe zyrtarët përmes një dispozite posaçme në statutet e tyre;

h) Të miratojnë një klauzolë ligjore, statutore ku specifikohet që çdo mosmarrëveshje e nivelit kombëtar dhe ndërkombëtar që lind ose lidhet me statutin, rregulloret, direktivat dhe vendimet e FPSRK-së mund të referohet në shkallën e fundit (d.m.th. pas shterimit të të gjitha forumeve të brendshme brenda FPSRK) vetëm në CAS në Kosovë ,CAS në Lozanë e cila do të zgjidhë çështjen në mënyrë përfundimtare duke përjashtuar çdo gjykatë të juridiksionit të zakonshëm, me përjashtim kur një gjë e tillë ndalohet shprehimisht nga legjislacioni i Republikës së Kosovës;

i) Të administrojnë punët e tyre në mënyrë të pavarur dhe të sigurojnë që punët e tyre të mos ndikohen në mënyrë të papërshtatshme nga ndonjë palë e tretë, në përputhje me nenin 18 të këtij statuti;

- j) Të sigurojnë që organet e tyre të zgjidhen ose të emërohen në përputhje me një procedurë që garanton pavarësinë e plotë të zgjedhjeve ;
- k) T'i komunikojnë FPSRK-së çdo ndryshim në statutin dhe rregulloret e saj, si dhe listën e zyrtarëve të saj, të cilët janë përfaqësues ligjorë me të drejtën për të lidhur marrëveshje ligjërish të detyrueshme me palë të treta;
- l) Të mos mbajnë asnjë marrëdhënie të natyrës sportive me subjektet që nuk njihen ose me anëtarët që janë pezulluar ose përjashtuar;
- m) Të respektojnë parimet e besnikërisë, integritetit dhe sjelljes së mirë sportive si shprehje në gatat e ndershme përmes një dispozite statutoe dhe të sigurojnë që këto parime të respektohen edhe nga anëtarët e tyre përmes një dispozite të posaçme statutoe;
- n) Të respektojnë pikat e detyrueshme të specifikuara në nenin 11, paragrafi 2, të këtij statuti gjatë kohëzgjatjes së anëtarësisë së tyre;
- o) Të administrojnë një regjistër të anëtarëve, i cili të përditësohet rregullisht;
- p) Të pajtohen plotësisht me të gjitha detyrimet e tjera që rrjedhin nga statuti dhe rregulloret e tjera të FIPS,dhe FPSRK-së.

2. Anëtarët duhet të integrojnë në statutin e tyre detyrimet e përmendura më sipër, për të qenë të zbatueshme për anëtarët e tyre.

3. Shkelja e detyrimeve të përmendura më sipër (p.sh. paragrafi 1 dhe 2) nga çdo anëtar mund të çojë në sanksionet e parashikuara në këtë statut.

4. Shkelja e paragrafit i/“j” më sipër mund të çojë në sanksione, edhe nëse ndikimi i palës së tretë nuk ishte për faj të anëtarit përkatës. Çdo anëtar i FPSRK-së është përgjegjës në raport me të, lidhur me çdo akt dhe të gjitha aktet e anëtarëve të organeve të tyre të shkaktuara nga neglizhenca ose sjellja e qëllimtë e pahijshme e këtyre anëtarëve.

5. Të respektojë **Ligji nr. 05/I-075 për parandalimin dhe sanksionimin e dhunës dhe dukurive negative në ngjarjet sportive.**;

6. Klubi duhet te ketë trajner të licencuar nga institucioni universitare të edukimit fizik, ka diplomë ose certifikatë të vlefshme për trajner në përputhje me nivelin përkatës të Kornizës Kombëtare të Kualifikimeve, të lëshuar nga një institucion i akredituar nga agjencitë përkatëse në Republikën e Kosovës, apo ka licencë për trajner të lëshuar nga një institucion i akredituar jashtë Republikës së Kosovës.

7. Te gjitha klubet obligohen qe sportistet e tyre qe marrin pjese ne gara qe organizohen nga FPSRK te kenë përfunduar kontrollimin mjekësor te paktën një her në vit dhe vërtetimin ta sjellin tek administrata e FPSRK, Kontrolli mjekësor duhet te behet nga institucionet e licencuara te nivelit sekondar apo terciar nga fusha e mjekësisë sportive.

8. Ta respektoj Ligjit për Sportit Nr. 08/L-227

NENI 15 PEZULLIMI

1. Kuvendi i Përgjithshme është përgjegjëse për pezullimin e një anëtari që shkel seriozisht dhe/ose në mënyrë të përsëritur detyrimet e tij si anëtar. Megjithatë, Bordi mund të pezullojë përkohësisht një anëtar të tillë me efekt të menjëhershëm. Ky vendim merret nga Bordi kur shumica (50%+1) e anëtarëve të tij është e pranishme dhe me një shumicë prej dy të tretave të votave të vlefshme. Pezullimi zgjat deri në Kuvendin e Përgjithshme të ardhshme, përveç nëse Bordi e ka revokuar atë ndërkohë.
2. Anëtari në fjalë ka të drejtën të dëgjohet nga Kuvendi i Përgjithshëm /Bordin dhe mund t'i përgjigjet me shkrim propozimit për pezullim. Përgjigja duhet t'i dërgohet anëtarëve bashkë me njoftimin për thirrjen e Kuvendi të Përgjithshëm në përputhje me Nenin 28 dhe Nenin 29 paragrafi 4.
3. Pezullimi i një anëtari nga Kuvendi i Përgjithshme ose Bordi konfirmohet në Kuvendin e Përgjithshme të ardhshme me praninë e shumicës (më shumë se 50%+1) së anëtarëve me të drejtë vote dhe me shumicën e dy të tretave të votave të hedhura. Nëse nuk konfirmohet, pezullimi revokohet automatikisht.
4. Një anëtar i pezulluar i humbet të drejtat e tij të anëtarësisë. Anëtarët e tjerë nuk mund të kenë kontakte sportive me një anëtar të pezulluar. Komisioni i Disiplinës dhe Etikës mund të vendosë sanksione të mëtejshme.
5. Anëtarët që nuk marrin pjesë në garat që i organizon FPSRK-së për 1 (vite) sezone pezullohen automatikisht nga votimi në Kuvendin e Përgjithshëm dhe përfaqësuesit e tyre nuk do të zgjidhen/zgjidhen derisa të përmbushin detyrimet e tyre në këtë drejtim.

NENI 16 PËRJASHTIMI

1. Kuvendi i Përgjithshme mund ta përjashtojë një anëtarë nëse:
 - a) Shkel rëndë dhe në mënyrë të përsëritur statutin, rregulloret ose vendimet e FIPS dhe FPSRK-së;
 - b) Nuk arrin të përmbushë kërkesat e anëtarësisë të përcaktuara në këtë statut;
 - c) Nuk arrin të përmbushë detyrimet e tij financiare ndaj FPSRK-së;
 - d) Nëse vërtetohet se Anëtari ka pushuar së vepruari;
 - e) Me fshirjen nga regjistri i Anëtarëve aktual;
 - f) Me kërkesën personale me arsyetimin me shkrim;
 - g) Me vendimin e Kuvendit të FPSRK-së;
2. Bordi ka të drejtë vetëm të propozojë përjashtimin e një anëtari.

3. Anëtari në fjalë mund të dëgjohet nga Kuvendi i Përgjithshme dhe gjithashtu mund t'i përgjigjet me shkrim propozimit nga Bordi për përjashtimin e tij. Përgjigja do t'u dërgohet anëtarëve së bashku me thirrjen zyrtare të Kuvendit të Përgjithshme në përputhje me nenin 28, dhe nenin 35).

4. Prania e shumicës (më shumë se 50%+1) e delegatëve me të drejtë vote në Kuvendin e Përgjithshme është e nevojshme në mënyrë që përjashtimi të jetë i vlefshëm, dhe mocioni për përjashtim duhet të miratohet me shumicë prej 2 të tretave të votave të vlefshme të delegatëve prezent.

5. Anëtari në fjalë nuk ka të drejtë vote në Kuvendin e Përgjithshme kur behet fjalë për përjashtimin e tij.

NENI 17 DORËHEQJA/SHPËRBËRJA

1. Një anëtarë mund të japë dorëheqjen me efekt nga fundi i një sezoni (d.m.th. 31dhjetor). Njoftimi për dorëheqjen duhet të mbërrijë të Sekretari i Përgjithshëm jo më vonë se gjashtë muaj para përfundimit të sezonit përkatës të Peshkatarisë.

2. Dorëheqja nuk është e vlefshme derisa anëtari që dëshiron të japë dorëheqjen të ketë përmbushur detyrimet e tij financiare ndaj FPSRK-së dhe anëtarëve të tjerë.

3. Nëse një anëtarë shpërbëhet, qoftë vullnetarisht ose për shkaqe ligjore, anëtarësia e tij në FPSRK do të përfundojë me efekt të menjëhershëm në momentin që pushon personaliteti i tij juridik.

4. Organi ekzekutiv i anëtarit do të informojë Bordin e FPSRK për fillimin e procedurës së shpërbërjes.

NENI 18 PAVARËSIA E ANËTARËVE DHE E ORGANEVE TJERA

1. Çdo anëtarë e menaxhon punën e tij në mënyrë të pavarur dhe pa ndikim të papërshtatshëm nga palët e treta.

2. Organet e anëtarëve do të zgjidhen ose emërohen. Statutet e anëtarëve duhet të parashikojnë një procedurë demokratike që garanton pavarësinë e plotë të zgjedhjeve ose emërimeve.

3. Organet e anëtarëve që nuk janë zgjedhur ose emëruar në përputhje me dispozitat e paragrafit 2 më sipër, edhe mbi bazë të përkohshme, nuk do të njihen nga FPSRK.

NENI 19

STATUSI I KLUBEVE

1. Klubet-Shoqatat të lidhura me FPSRK-në do të varen dhe njihen nga FPSRK.
2. Ky statut përcakton fushën e veprimit dhe të drejtat dhe detyrat e subjekteve të përmendura në paragrafin 1 më sipër. Statuti dhe rregulloret e tyre do të jenë në përputhje me kërkesat dhe detyrimet e statutit dhe rregulloreve të FPSRK-së. FPSRK do të ketë kompetencë ekskluzive dhe të padelegueshme për të rregulluar çështjet që kanë të bëjnë me Referim, luftën kundër dopingut, parandalimin dhe sanksionimin e dhunës në sport, regjistrimin e peshkatarëve, licencimin e klubeve, vendosjen e masave disiplinore, përfshirë shkeljet etike, si dhe masat e kërkuara për të mbrojtur integritetin e garave, përfshirë luftën kundër shkeljeve të rregullores së garave apo këtij statuti.
3. Subjektet e përmendura në paragrafin 1 më sipër do të marrin të gjitha vendimet për çdo çështje në lidhje me anëtarësimin e tyre në mënyrë të pavarur nga çdo person i jashtëm. Ky detyrim zbatohet pavarësisht nga struktura e tyre të organizimit.
4. Në çdo rast, asnjë person fizik ose juridik nuk do të ushtrojë kontroll mbi më shumë se një klub ose grup klubesh sa herë që mund të cenohet integriteti i ndonjë gare apo i FPSRK.

NENI 20

KRYETAR I NDERIT DHE ANËTARI I NDERIT

1. Kuvendi i Përgjithshme i jep titullin "Kryetar Nderi" ose "Anëtar Nderi" çdo personi për shërbime dhe kontribut të shquara ndaj Peshkatarisë. Në mënyrë që të miratohet kërkesa, kërkohet shumica e dy të tretave të votave të vlefshme.
2. Këto propozime bëhen nga Bordi . Kryetar nderi propozohet vetëm një individ i cili ka kryer më parë detyrën e Kryetarit të FPSRK-së. Anëtar nderi mund të propozohet vetëm një individ i cili ka qenë më parë anëtar i organeve të FPSRK-së.
3. Kryetar i Nderit merr pjesë në Kuvendin e Përgjithshëm si mysafir. Anëtari i Nderit mund të marrë pjesë në Kuvendin e Përgjithshëm si mysafir.

NENI 21

ORGANET E FPSRK-SË

1. Kuvendi i Përgjithshëm është organi më i lartë dhe legjislativ.
2. Bordi
3. Kryetari
4. Këshilli mbikëqyrës.

A. KUVENDI I PËRGJITHSHËME

NENI 22 PËRKUFIZIME DHE PËRBËRJA

1. Kuvendi i Përgjithshme është mbledhja ku anëtarët e FPSRK-së mbledhen rregullisht dhe përfaqësohen nga delegatë e klubeve që përmbushin pikat e këtij statuti. Kuvendi i Përgjithshme përfaqëson autoritetin më të lartë dhe legjislativ të FPSRK-së. Vetëm kur mbledhet sipas rregullave të parashikuara, Kuvendi i Përgjithshëm ka të drejtë të marrë vendime.
2. Kuvendi i Përgjithshëm konstituohet në përputhje me parimet e demokracisë përfaqësuese dhe merr parasysh rëndësinë e barazisë gjinore.
3. Kuvendi i Përgjithshëm mund të jetë i zakonshme ose i jashtëzakonshme.
4. Kuvendi i Përgjithshëm kryesohet nga Kryetari në mungesë apo në pamundësi që kryetari ta kryesoj Kuvendin atëherë e zëvendëson nënkryetari në përputhje me këtë statut, rregulloren e Kuvendit të Përgjithshëm, si dhe çdo rregulloreje të zbatueshme.
5. Bordi mund të ftojë mysafir për të marrë pjesë në Kuvendin e Përgjithshëm, pa të drejtë për të debatuar ose për të votuar.
6. Kryetari i Nderit dhe/ose Anëtarët e Nderit marrin pjesë në Kuvend e Përgjithshëm si mysafir, këta nuk mund të zgjedhen dhe të zgjidhin në organet e FPSRK.
- 7) Mënyra e punës së kuvendit rregullohet me Rregulloren Kuvendit.

NENI 23 DELEGATËT DHE VOTAT

1. Kuvendi i Përgjithshëm përbëhet nga anëtarë e deleguar të klubeve-shoqatave të ndarë si më poshtë:
Delegatët duhet t'i përkasin klubit-shoqatës që ata përfaqësojnë dhe të emërohen ose zgjidhen nga organi i caktuar nga statuti i anëtarit. Ata gjithashtu duhet të jenë në gjendje ta vërtetojnë këtë gjë. Delegimi i personave jo-anëtarë të klubeve nuk lejohet.
- a) Klubet-shoqata e FPSRK që kanë 0 deri në 100 anëtarë përfaqësohen në Kuvendin e Federatës me nga 1 (delegat).
 - b) Klubet-shoqata e FPSRK që kanë 101 deri në 200 anëtarë përfaqësohen në Kuvendin e Federatës me nga 2 (delegat).
 - c) Klubet-shoqata e FPSRK që kanë 201 deri në 300 anëtarë përfaqësohen në Kuvendin e Federatës me nga 3 (delegat) ku njëri nga ta duhet të jetë i gjinisë së kundërt.

- d) Klubet-shoqata e FPSRK që kanë 301 e me shumë anëtarë përfaqësohen në Kuvendin e Federatës me nga 4 (delegat) ku njëri nga ta duhet të jetë i gjinisë së kundërt.
- e) Klubet obligohen që gjatë çdo viti të marrin pjesë në garat e organizuar nga FPSRK me më së paku 5 Sportist-e të moshave të ndryshme në 50% të garave dhe nëse klubi nuk e përmbush këtë nën delegatet e tyre mund të marrin pjesë në kuvendin e përgjithshëm të punës apo atë zgjedhor apo të jashtëzakonshëm të punës apo zgjedhor po pa të drejt vote.
- f) Klubet të cilat nëse për një cikël olimpiq nuk arrijnë ta plotësojnë nenin 23 paragrafi 1 pika e) atëherë klubi e humb statusin e klubit siç parashihet me nenin 23 paragrafi 1 pika a)b)c)d) dhe kalon në klub siç parashihet me nenin 23 paragrafi 1 pika.
- g) Delegatët e klubeve duhet të jenë të moshës madhore.
- h) Delegatët duhet të jenë shtetas të Republikës së Kosovës.
- i) Nëse delegati i klubit është trajner i ndonjë klubi të Peshkatarisë, person i ndonjë organi të ndonjë partie politik, deputet, deputet komunal, drejtor komunal, personat në fjalë nuk mund të jen delegat në kuvendet e FPSRK.
- j) Delegat i klubit nuk mund të jetë ndonjë person që ka dëmtuar imazhin e FPSRK apo persona të cilët në të kaluarën kanë marrur pajisje, veshmbathje, rekuizita të federatës dhe nuk i kanë kthyer në momentin e përfundimit të mandatit.
- k) Delegati i klubit nuk duhet të jetë ndonjë person që është nën hetime ndërkombëtare.

2. Komisioni i Verifikimit do të përcaktojë numrin e delegatëve të klubeve sipas këtij statuti.

3. Secili delegat ka një votë në Kuvendin e Përgjithshëm. Vetëm delegatët e pranishëm kanë të drejtë vote. Votimi me autorizim ose me letër përfaqësimi nuk lejohet.

4. Anëtarët e Bordit, kryetari dhe nënkryetari dhe Sekretari i Përgjithshëm marrin pjesë në Kuvendin e Përgjithshëm.

NENI 24
FUSHAT E KOMPETENCAVE
KUVENDI I PËRGJITHSHËM KA KOMPETENCAT E MËPOSHTME:

1. Të miratojë ose ndryshojë këtë statut;
2. Të miratojë ose ndryshojë rregulloren e Kuvendit të Përgjithshëm;
3. Të miratojë ose ndryshojë rregulloren e këshillit mbikëqyrës;
4. Të miratojë ose ndryshojë rregulloren e Bordit të FPSRK;
- b) Të caktojë një anëtarë për të kontrolluar procesverbalet dhe për të shqyrtuar procesverbalet e mbledhjes së fundit, para se kuvendi ta miraton procesverbalin e kuvendit të fundit.
- c) Të zgjedhë kryetarin, nënkryetarin dhe anëtarët e tjerë të Bordit;
- d) Zgjedhë anëtarët e këshillit mbikëqyrës;
- e) Të emërojë komisionin zgjedhor për të numëruar votat dhe për të ndihmuar sekretarin e përgjithshëm për shpërndarjen e fletëve të votimit për zgjedhjet;
- f) Të miratojë pasqyrat vjetore financiare të audituara, përfshirë pasqyrat financiare të konsoliduara dhe raportin financiar vjetor;
- g) Të miratojë planin financiar të FPSRK-së për vitin pasardhës;
- h) Të miratojë raportin e punës, i cili përmban aktivitetet e FPSRK-së nga Kuvendi i përgjithshëm i kaluar, raportin e punës për vitin pasardhës, si dhe raportet e rekomandimit tjera të Bordit;
- i) Të përcaktojë pranimet e anëtarësisë me propozim të Bordit;
- j) Të japë titullin "president Nderi" ose "anëtar Nderi", me propozimin e Bordit;
- k) Të pranojë, të pezullojë ose përjashtojë një anëtar;
- l) Të shkarkoj kryetarin, nënkryetarin dhe anëtarët e tjerë të Bordit apo Këshillin Mbikëqyrës që zgjedhën në kuvend;
- m) Të shpërbëjë FPSRK-në dhe të vendosë për përdorimin e aseteve të saj;
- n) Të miratojë vendimet me kërkesë të një anëtari në përputhje me këtë statut ose të miratojë ndonjë vendim që i është besuar Kuvendit të Përgjithshëm në përputhje me këtë statut.
- o) Vendos mbi faljen e dënimeve.

NENI 25 KUORUMI

1. Vendimet e miratuara nga Kuvendi i Përgjithshëm do të jenë të vlefshme vetëm nëse në mbledhje, janë të pranishme shumica (më shumë se 50%+1votë) e delegatëve me të drejtë vote.
2. Nëse kuorumi nuk arrihet, zhvillohet një asamble e Përgjithshëm e dytë me të njëjtën rend dite brenda 7 ditëve.
3. Kuorumi nuk kërkohet për mbledhjen e dytë të Kuvendit të Përgjithshëm përveç se nëse në rendin e ditës është e parashikuar një nga çështjet e mëposhtme:
 - a) një ndryshim të këtij statuti apo rregullores së Kuvendit të Përgjithshëm, apo rregulloren e komisionit mbikëqyrës;
 - b) zgjedhja e kryetarit ose e anëtarëve të tjerë të Bordit ;
 - c) zgjedhjen e kryetarëve, nënkryetarit ose anëtarëve të komisioneve të pavarura;
 - d) shkarkimin e një anëtari të një organi të FPSRK-së;
 - e) pezullimin ose përjashtimin e një anëtari;
 - f) shpërbërjen e FPSRK-së. për vendimmarrjen për pikat e sipërpërmendura, është e nevojshme shumica e përcaktuar në paragrafin 1 më sipër.
4. Nga momenti që deklarohet se Kuvendi e Përgjithshëm është thirrur dhe mbledhur në përputhje me këtë statut, kuorumi nuk do të ndikohet nga delegatët që largohen nga mbledhja.

NENI 26 VENDIMET

1. Vendimet që hidhen në votë, do të merren me anë të ngritjes së duarve ose me anë të numërimit elektronik, përveçse nëse një e treta e anëtarëve kërkon që të bëhet votim i fshehtë. Nëse ngritja e duarve nuk çon në një shumicë të qartë në favor të një vendimi, votimi do të bëhet duke thirrur listën e delegatëve në rend alfabetik.
2. Nëse nuk përcaktohet ndryshe në këtë statut, shumica (më shumë se 50%+1votë) e votave të vlefshme të dhëna në favor, është e mjaftueshme që një vendim të merret. fletët bosh të votimit, votat e pavlefshme ose votat elektronike të manipuluar në çdo mënyrë, si dhe abstenimet nuk merren në konsideratë kur llogaritet shumica.

NENI 27 ZGJEDHJET

1. Zgjedhjet zhvillohen me votim të fshehtë. Megjithatë, nëse numri i kandidatëve është i barabartë me numrin e pozicioneve të lira, për të cilat mbahen zgjedhjet, Kuvendi i

përgjithshëm mund të vendosë të procedojë ndryshe.

2. Zgjedhjet do të kryhen në përputhje me rregulloren e Kuvendit të përgjithshme të FPSRK-së dhe do të mbikëqyren nga Komisioni i Verifikimit.

3. Zgjedhjet për pozicionet brenda Bordit do të bëhen sipas pozicionit (së pari kryetari, nënkryetari dhe më pas 6 anëtarët e tjerë të Bordit), të paktën një pozicion do të rezervohet për kandidatë femër dhe një vend do të rezervohet për përfaqësuesin e sportistëve.

a) Kryetari i Federatës ka të drejtën ta propozoj një person për anëtarë-e bordit mirëpo personi në fjale duhet të votohet nga anëtarët e zgjedhur të bordit nëse personi në fjalë i merr 50%+1 votë të anëtarëve të bordit anëtarin në fjale futet në listën e anëtarëve të bordit, nëse personi në fjale nuk i merr 50%+1 votë të anëtarëve të bordit kryetari propozon ndonjë anëtar tjetër për anëtar të bordit.

4. Kandidatët për kryetar, nënkryetar, anëtarët Bordit duhet të jenë psh:

Kryetar, nënkryetar, sekretar, anëtarë aktiv në kryesi të klubit të Peshkatarisë që i propozon, kandidatet për këto pozita nuk guxon të jenë edhe delegat të ndonjë federate tjetër sportive apo të jenë në bordet drejtuese apo sekretar të ndonjë federate tjetër sportive për t'u marrë në konsideratë nga Kuvendi i përgjithshëm.

5. Për zgjedhjen e kryetarit, shumica e (50% +1 votë) të votave të vlefshme janë të nevojshme në raundin e parë për zgjidhjen Kryetarit. Në rast se asnjë kandidat nuk e arrin këtë shumicë, zhvillohet raundi i dytë i zgjedhjeve midis dy kandidatëve që kanë marrë shumicën e votave të vlefshme të dhëna në raundin e parë. Në raundin e dytë, kandidati që merr shumicën e votave të vlefshme të dhëna, zgjidhet kryetar. Në rast barazimi, do të zhvillohet raundi i tretë, ku do të zbatohet e njëjta procedurë. Në rast se edhe raundi i tretë përfundon me barazim, kryetari zgjidhet kandidati i cili në raundin e parë ka pas më shumë vota.

a) Në rast se edhe pas raundit të tretë të dy kandidatet kanë numrin e barabartë të votave atëherë kryetari zgjidhet me short.

6. Për zgjedhjen e nënkryetarit, anëtarëve të tjerë të Bordit, secili anëtar mund të votojë për aq kandidatë sa janë pozicionet e lira ose më pak. Nëse nuk ka asnjë femër kandidatë për Bordin, vendi mbetet vakant deri në Kuvendin e përgjithshëm të radhës ku një kandidatë femër do të zgjidhet për pjesën e mbetur të mandatit. Një kandidat zgjidhet nënkryetar, anëtar i Bordit nëse merr shumicën absolute (50% +1 votë) në raundin e parë. Nëse nuk ka kandidatë të mjaftueshëm që mbështeten me shumicë absolute, për të mbushur vendet vakante mbahet një raund i dytë në të cilin një shumicë e thjeshtë (numri i më i madh i votave) është i mjaftueshëm për një kandidat që të zgjidhet. Në rast barazimi, rezultati përcaktohet me short i cili hidhet nga sekretari i përgjithshëm dhe monitorohet nga Komisioni i Verifikimit.

7. Për zgjedhjen e anëtarëve të këshillit mbikëqyrës zgjedhën, kandidati (ose kandidatët) që merr (ose marrin) më shumë vota, shpallen fitues.

8. Për të qenë kandidat për kryetar, kandidati ose kandidatja duhet të plotësojnë kushtet e mëposhtme:

- a) Të jetë shtetas Kosovar me banim të përhershëm në Kosovë;
- b) Të mos jetë dënuar për ndonjë veprën penale mbi 6 muaj burgim efektiv ashtu siç përcaktohet me kodin penal të Republikës së Kosovës dhe kodin e procedurës penale të Republikës së Kosovës .
- c) Të jetë i moshës madhore në datën e mbajtjes së Kuvendit të Përgjithshëm Zgjedhore;
- d) Të jetë i kualifikuar për rolin;
- e) Nuk duhet të jenë apo të kenë qenë, deputetë, kandidatë për deputetë, anëtarë të organeve drejtuese në ndonjë parti politike, ose funksionar politik në 4 vitet e fundit.
- f) Preferohet ta njoh gjuhen angleze.
- g) Duhet ta ketë të përfunduar shkollimin e lartë fakultetin;
- h) Preferohet të jetë veprimtar i dalluar i sportit të Peshkatarisë qoftë me rezultate në organizimin dhe udhëheqjen e sportit të Peshkatarisë;
- i) Duhet të këta qen se paku 3 vite në udhëheqësin e klubit të Peshkatarisë psh: kryetar, sekretar ,nënkryetar apo anëtar i bordit te klubit apo ne bordin e Federatës se Peshkatarisë te Kosovës.
- J) Personat te cilët kanë ushtruar funksionin e kryetarit te federatës dhe e kanë përfundua dy mandate apo kanë përfunduar 1 mandat e gjysme apo persona te cilëve i është ndërprerë për shkaqe te ndryshme mandati i kryetarit te FPSRK personat e till nuk mund te jen kandidat për kryetar te FPSRK.

9. Për të qenë kandidat për nënkryetar, anëtarë të tjerë të Bordit, anëtarë të këshillit mbikëqyrës kandidati ose kandidatët duhet të plotësojnë kushtet e mëposhtme:

- a) Të jetë shtetas Kosovar me banim të përhershëm në Kosovë;
- b) Të mos jetë dënuar për ndonjë veprën penale mbi 6 muaj burgim efektiv ashtu siç përcaktohet me kodin penal të Republikës së Kosovës dhe kodin e procedurës penale të Republikës së Kosovës .
- c) Të jetë nën moshën madhore në datën e mbajtjes së Kuvendit të Përgjithshëm Zgjedhore;
- d) Të jetë i kualifikuar për rolin;
- e) Nuk duhet të jenë apo të kenë qenë, deputetë, kandidatë për deputetë, anëtarë të organeve drejtuese në ndonjë parti politike, ose funksionar politik në 4 vitet e fundit.
- f) Preferohet të jetë veprimtar i dalluar sportit të Peshkatarisë qoftë me rezultate në organizimin dhe udhëheqjen e sportit;
- g) Duhet të këta qen se paku 3 vite në udhëheqësin e klubit të Peshkatarisë psh: kryetar, sekretar ,nënkryetar apo anëtar i bordit te klubit apo ne bordin e Federates se Peshkatarisë te Kosovës.

10. Fletët bosh të votimit, votat e pavlefshme ose votat elektronike të manipuluar në çdo mënyrë, si dhe abstenimet nuk merren në konsideratë kur llogaritet shumica.

11. Kandidaturat për cilindo nga pozicionet e Bordit do të dërgohen te sekretari i përgjithshëm të paktën 5 ditë para Kuvendit të përgjithshme Zgjedhore përkatëse.

NENI 28

KUVENDI I PËRGJITHSHËM I ZAKONSHËM

1. Kuvendi i Përgjithshëm i zakonshëm mbahet çdo vit jo më vonë se data 30 mars.
2. Bordi përcakton vendin dhe datën e Kuvendit të Përgjithshëm. Anëtarët njoftohen me shkrim të paktën 7 ditë përpara Kuvendit të Përgjithshëm.
3. Çdo propozim që një anëtar dëshiron t'i paraqesë Kuvendit të Përgjithshëm, i dërgohet me shkrim Sekretarit të Përgjithshëm, me një shpjegim të shkurtër, të paktën 5 ditë para datës së Kuvendit të Përgjithshëm. Bordi vendos a duhet ty hyj aj propozim ne rendin e ditës apo jo.
4. Sekretari i Përgjithshëm, të paktën 5 ditë para datës së Kuvendit të Përgjithshëm u dërgon anëtarëve me shkrim rendin përfundimtar të ditës, raportin e punës , raportin financiar, raportin e auditorit të jashtëm dhe çdo dokument tjetër të lidhur me rendin e ditës dhe me kompetencat e Kuvendit të Përgjithshëm.

NENI 29

RENDI I DITËS I KUVENDIT TË PËRGJITHSHËM TË ZAKONSHËM

1. Sekretari i Përgjithshëm harton rendin e ditës në bazë të propozimeve të Bordit dhe anëtarëve.
2. Rendi i ditës së Kuvendit të Përgjithshëm përmban çështjet e mëposhtme të detyrueshme (në rend kronologjik):
 - a) Deklarimin e thirrjes së Kuvendit të Përgjithshëm dhe përbërjen e saj në përputhje me këtë statut;
 - b) Miratimin e rendit të ditës;
 - c) Fjalimin e Kryetarit;
 - d) Emërimin e një anëtari për të kontrolluar procesverbalet;
 - e) Emërimin e komisionit të verifikimit prej 3 anëtarëve;
 - f) Pezullimin ose përjashtimin e anëtarëve (nëse aplikohet);
 - g) Miratimin e procesverbalit të Kuvendit të Përgjithshme;
 - h) Miratimin e Raportin e Punës(që përmban aktivitetet që nga Kuvendi i Përgjithshëm i mëparshme),dhe raportin e punës për vitin pasardhës,
 - i) Miratimi i planit financiar;
 - j) Miratimin e pasqyrave financiare të audituara nga auditorit të pavarur të jashtëm ;

- f) Të miratojë pasqyrat vjetore financiare të audituara, përfshirë pasqyrat financiare të konsoliduara dhe raportin financiar vjetor;
 - k) Të miratojë planin financiar të FPSRK-së për vitin pasardhës;
 - l) Votimin për propozimet për ndryshime në këtë statut dhe/ ose rregulloren e Kuvendit të Përgjithshëm, komisionit mbikëqyrës (nëse është e nevojshme);
 - m) Diskutimin e propozimeve të paraqitura nga Bordi ose anëtarët në përputhje me procedurën e përcaktuar në nenin 28, paragrafi 3 të këtij Statuti;
 - n) Shkarkimin e një anëtari të një organi të FPSRK-së (nëse është e zbatueshme);
 - o) Zgjedhjen e Kryetarit dhe anëtarëve të tjerë të Bordit (nëse zbatohet);
 - p) Zgjedhjen e anëtarëve të komisionit mbikëqyrës (nëse zbatohet);
 - q) Pranimin për anëtarësim (nëse është e nevojshme);
3. Kuvendi i Përgjithshëm nuk merr vendim për pikat të cilat nuk janë të përfshira në rendin e ditës.
4. Rendi i ditës i Kuvendit të Përgjithshëm të Zakonshme mund të ndryshohet me kusht që dy të tretat e anëtarëve të pranishëm me të drejtë vote në Kuvendin e Përgjithshëm të bien dakord me një kërkesë të tillë.

NENI 30

KUVENDI I PËRGJITHSHËM I JASHTËZAKONSHËM

1. Bordi mund të thërrasë Kuvendin e Përgjithshëm të Jashtëzakonshëm në çdo kohë nëse këtë e kërkojnë (50% +1 votë) e anëtarëve të bordit .
2. Bordi e mbledh Kuvendin e Përgjithshëm të Jashtëzakonshëm nëse merr shumicën absolute (50% +1 votë) delegatëve me të drejtë vote të FPSRK-së bëjnë një kërkesë të tillë me shkrim siç e pareshe ky statut. Kërkesa përcakton pikat që do të përfshihen në rendin e ditës. Kuvendi i Përgjithshëm i Jashtëzakonshëm do të mbahet brenda 30 ditëve nga marrja e kërkesës me shkrim. Nëse nuk thirret Kuvendi e Përgjithshëm i Jashtëzakonshëm, anëtarët që e kërkuan atë mund të mbledhin vetë Kuvendin e Përgjithshëm të Jashtëzakonshme. Duke vepruar kështu, ata informojnë të gjithë delegatët e FPSRK-së dhe Bordin për datën dhe vendndodhjen e Kuvendit të Përgjithshëm të Jashtëzakonshëm, së bashku me pikat që do të përfshihen në rendin e ditës në përputhje me paragrafin 3 më poshtë.
3. Të gjithë anëtarët e FPSRK do të njoftohen për vendin dhe datën të paktën 7 ditë para datës së Kuvendit të Përgjithshëm të Jashtëzakonshëm.
4. Kur Kuvendi i Përgjithshëm i Jashtëzakonshëm thirret me iniciativën e Bordit, ai duhet të hartojë rendin e ditës. Kur thirret me kërkesë të delegatëve të klubeve, rendi i ditës duhet të përmbajë pikat e ngritura nga vetë delegatët. Anëtarët që kanë thirrur mbledhjen e jashtëzakonshëm, të paktën 7 ditë para datës së Kuvendit të Përgjithshëm të Jashtëzakonshëm

duhet t'u dërgojnë anëtarëve dhe Bordit rendin e ditës dhe çdo dokument tjetër që lidhet me rendin e ditës.

5. Rendi i ditës i Kuvendit të Përgjithshëm i Jashtëzakonshëm nuk mund të ndryshohet.

NENI 31

NDRYSHIMET NË STATUT DHE RREGULLOREN E KUVENDIT TË PËRGJITHSHËM SI DHE RREGULLOREN E KESHILLIT MBIKQYRËS

1. Kuvendi i Përgjithshëm është përgjegjëse për ndryshimin e këtij statuti dhe Rregullores së Kuvendit të Përgjithshëm, Rregulloren e këshillit mbikëqyrës.
2. Çdo propozim për ndryshim të këtij statuti dhe Rregullores së Kuvendit të Përgjithshëm dhe Rregulloren e këshillit mbikëqyrës duhet të paraqitet me shkrim me një shpjegim të shkurtër të Sekretari i Përgjithshëm nga një anëtar ose nga Bordi. Është i vlefshëm edhe propozimi i paraqitur nga delegatët që përfaqësojnë një anëtar, me kusht që të jetë mbështetur me shkrim nga të paktën dy delegatë të tjerë që përfaqësojnë anëtarët.
3. Në mënyrë që votimi mbi një ndryshim të statutit dhe/ose të Rregullores së Kuvendit të Përgjithshëm dhe Rregullores së këshillit mbikëqyrës të jetë i vlefshëm, duhet të jetë e pranishme shumica (më shumë se 50%+1) e anëtarëve me të drejtë vote.
4. Propozimi për një ndryshim të këtij statuti dhe të Rregullores së Kuvendit të Përgjithshëm dhe Rregulloren e këshillit mbikëqyrës do të miratohet vetëm nëse dy të tretat e anëtarëve të pranishëm me të drejtë vote, votojnë në favor të ndryshimeve të propozuara.

NENI 32

PROCESVERBALET

1. Sekretari i Përgjithshëm është përgjegjës për mbajtjen e procesverbaleve të Kuvendit të Përgjithshëm.
2. Anëtarët e caktuar për të verifikuar procesverbalet duhet ta bëjnë këtë në mënyrë që procesverbalet t'u dërgohen anëtarëve brenda 60 ditëve nga Kuvendi i Përgjithshëm. Procesverbali do të konsiderohet i aprovuar nëse, brenda 10 ditëve nga dërgimi i tij, nuk paraqiten kundërshtime me shkrim të Sekretari i Përgjithshëm. Në rast të marrjes së ndonjë kundërshtimi, procesverbali vendoset për shqyrtim në rendin e ditës të Kuvendit të Përgjithshëm të Zakonshëm pasardhës.

NENI 33
DATA E HYRJES NË FUQI TË VENDIMEVE

Vendimet e miratuara nga Kuvendi i Përgjithshëm do të hyjnë në fuqi menjëherë pas përfundimit të Kuvendit të Përgjithshëm, përveç nëse përcaktohet ndryshe në këtë statut, ose nëse Kuvendi i Përgjithshëm përcakton një datë tjetër për hyrjen në fuqi të një vendimi.

NENI 34
SHKARKIMI I NJË ANËTARI TË NJË ORGAN

1. Kuvendi i Përgjithshëm mund të shkarkojë një anëtar të një organi. Bordi gjithashtu mund të shkarkojë një anëtar të një organi përkohësisht. Shkarkimi i përkohshëm i miratuar nga Bordi duhet të konfirmohet nga Kuvendi i Përgjithshëm i ardhshëm, përveç se nëse Bordi e ka revokuar ndërkohë shkarkimin. Nëse Kuvendi i Përgjithshëm i ardhshëm është e natyrës zgjedhore, anëtar i shkarkuar do të lejohet të jetë kandidat (me kusht që ai të përmbushë kriteret përkatëse të pranueshmërisë) në një bazë të kushtëzuar në varësi të vendimit përfundimtar të Kuvendit të Përgjithshëm për shkarkimin e tij, vendim i cili do të merret para zgjedhjeve.
2. Kërkesa për shkarkim duhet të jetë e motivuar dhe do t'u dërgohet anëtarëve të Bordit dhe/ose anëtarëve të FPSRK-së së bashku me rendin e ditës përkatës.
3. Anëtar i organit në fjalë ka të drejtë të mbrohet përpara Bordit dhe/ose Kuvendit të Përgjithshëm.
4. Kërkesa për shkarkimin do të vendoset me votim të fshehtë të Bordit dhe/ose Kuvendi i Përgjithshëm. Që kërkesa të miratohet, kërkohet prania e shumicës (më shumë se 50%+1) së anëtarëve të Bordit dhe/ose anëtarëve të Kuvendit të Përgjithshëm dhe shumica e dy të tretave të votave të vlefshme të pranishëm .
5. Anëtar i shkarkuar (përkohësisht ose jo) lirohet nga funksionet e tij me efekt të menjëhershëm.

B. BORDI
NENI 35
PËRBËRJA

1. Bordi përbëhet nga 9 (Nëntë) anëtarë, ku të paktën tri prej të cilëve janë femra, me përbërjen e mëposhtme:
 - a) Kryetari;
 - b) Nënkryetari;
 - c) 6 Anëtarë ku njeri nga ta duhet të jetë përfaqësues i sportistëve.
2. Të gjithë anëtarët e Bordit i nënshtrohen kontrollit të integritetit, i cili kryhet nga Komisioni i Verifikimit, para zgjedhjes ose rizgjedhjes së tyre.
3. Kryetari ka mandat 4 vjeçar me mundësi rizgjedhje.

4. Nënkryetari dhe anëtarët e tjerë të Bordit kanë mandat 4-vjeçar me mundësi rizgjedhje. Mandatet do të ndjekin të njëjtin cikël zgjedhor. Mandatet e tyre fillojnë menjëherë pas përfundimit të Kuvendit të Përgjithshëm që i ka zgjedhur ata dhe përfundojnë në fund të Kuvendit të Përgjithshëm që zgjedh pasardhësit e tyre.

5. Të gjithë anëtarët e Bordit duhet të plotësojnë kushtet paraprake të parashikuara në nenin 27 i këtij statuti.

6. Një anëtar i Bordit përfshirë kryetarin, nënkryetarin, anëtar i bordit të FPSRK mund të jetë si delegat që përfaqëson një anëtar në Kuvendit e Përgjithshëm.

7. Nëse një pozicion ose deri në 50% të pozicioneve të Bordit janë vakante, ata/o do të plotësohen me kandidatët të cilët kanë mbetur në listën e pritjes nga kuvendi zgjedhor i fundit, zëvendësuesit e pozicioneve përkatëse zgjedhën për periudhën e mbetur të ushtrimit të detyrës

8. Nëse më shumë se 50% të pozicioneve të Bordit janë vakante, anëtarët e mbetur do të thërrasin një Asamble të Përgjithshëm të Jashtëzakonshme brenda periudhës së parashikuar kohore të parashikuar në Nenin 30, pragrafi 2 i Statutit. Në rast se, brenda 1 (një) jave nga kalimi i afatit, anëtarët e mbetur nuk e thërrasin Kuvendit e Përgjithshëm, atë e thërret Sekretari i Përgjithshëm.

9. Çdo pozicion brenda Bordit duke përfshirë kryetarin, nënkryetarin, anëtarët e Bordit mund ti ndërpritet mandati edhe para kalimit të 4 (katër) viteve ose konsiderohet vakant në rast :

a) Vdekje

b) Dhënie Dorëheqjeje

c) Ose nëse anëtari në fjalë pëson një pengesë të përhershme për kryerjen e funksionit;

d) Ndërron ose e humb shtetësinë;

e) Votimit të mosbesimit ndaj tij të miratuar nga Kuvendi apo të ndonjë shtate që nuk mund të vazhdojë më të kryej detyrën siç e parasheh ky statut;

f) Mos të ketë rënë në kundërshtim me normat etike dhe morale;

g) Në momentin kur nuk merr pjesë në tri mbledhje radhazi pa arsyetim;

h) Një Anëtarë nëse dënohet ndonjëherë me aktgjykim të formës së prerë për ndonjë veprën penale mbi 6 muaj burgim efektiv ashtu siç përcaktohet me kodin penal të Republikës së Kosovës dhe kodin e procedurës penale të Republikës së Kosovës personit në fjale i ndërpritet mandati automatikisht, nuk ka të drejtë të kandidohet për asnjë pozitë në kuadër të organeve të FPSRK-së.

i) Në momentin kur anëtari-ja është e ndjekur nga organet e drejtësisë ndërkombëtare.

NENI 36 MBLEDHJET

1. Bordi mblidhet të paktën 4 (herë) herë në vit.

2. Kryetari thërret mbledhjet e Bordit .

a) Nëse të paktën 5(pesë) anëtarë të Bordit kërkojnë mbledhjen e Bordit, Kryetari e thërret atë në mënyrë që takimi të mbahet brenda 7 (shtatë) ditëve nga marrja e kërkesës. Nëse Kryetari nuk e thërret mbledhjen e kërkuar brenda afatit të sipërpërmendur, mbledhja do të thirret nga nënkryetari apo vetë anëtarët e tjerë të Bordit , por ata duhet t'ua dërgojnë rendin e ditës të gjithë anëtarëve të Bordit të paktën 5 (pesë) ditë para mbledhjes, në përputhje me paragrafin 3 më poshtë.

3. Kryetari, me ndihmën e Sekretariatit të Përgjithshëm, harton rendin e ditës duke njoftuar anëtarët të paktën 7 (shtatë) ditë përpara mbledhjes. Secili anëtar i Bordit ka të drejtë të propozojë çështje për t'u përfshirë në rendin e ditës pranë Sekretarit të Përgjithshëm të paktën 4 (katër) ditë para mbledhjes. Rendi përfundimtar i ditës dhe materialet përkatëse duhet t'u dërgohet anëtarëve të Bordit të paktën tre ditë përpara mbledhjes.

4. Sekretari i Përgjithshëm merr pjesë në mbledhjet e Bordit dhe pa të drejtë vote. Nëse Sekretari i Përgjithshëm nuk është në gjendje të marrë pjesë në një mbledhje, ai mund të emërojë një përfaqësues për të marrë pjesë në mbledhje në emër të tij, me kusht që të miratohet nga Bordi.

5. Mbledhjet e Bordit mbahen me dyer të mbyllura. Sidoqoftë, Bordi mund të ftojë palët e treta të marrin pjesë. Këto palë të treta nuk do të kenë të drejtë vote dhe mund të shprehin opinione vetëm me lejen e Bordit.

6. Kryetari gjithashtu mund të thërrasë Bordin në mënyrë urgjente për të trajtuar çdo çështje që kërkon zgjidhje të menjëhershme midis dy takimeve të Bordit. Nëse anëtarët e Bordit nuk mund të takohen fizikisht dhe i nënshtrohen dispozitave të nenit 38, paragrafi 1 dhe 2, vendimet mund të merren përmes mjeteve të tjera moderne të komunikimit.

NENI 37

KOMPETENCAT E BORDIT

Bordi ka kompetencat e mëposhtme:

1. Të miratojë vendimet për të gjitha çështjet të cilat nuk hyjnë në kompetencat e Kuvendit të Përgjithshëm ose nuk janë të rezervuara për organe të tjera të FPSRK-së në bazë të këtij statuti;
2. Të sigurojë zbatimin e këtij statuti dhe miratimin e vendimeve ekzekutive të kërkuara për zbatimin e tyre, përfshirë miratimin dhe nxjerrjen e Rregullores së Organizimit të Brendshëm të FPSRK--së, rregulloret për organizimin e komisioneve të përhershme dhe komisioneve të përkohshme ose rregulloreve të tjera përkatëse;
3. Të administrojë dhe të drejtojë aktivitetet e FPSRK-së në përputhje me këtë statut;

4. Të përgatisë dhe rishikojë buxhetin, duke përfshirë përdorimin e fondeve për shpenzime të papritura në buxhet që nuk tejkalojnë masën 20% të buxhetit vjetor të FPSRK-së, të miratuar në Kuvendin i Përgjithshëm i mëparshëm;
5. Të përgatisë, me ndihmën e Sekretarit të Përgjithshëm, dhe të thërrasë Kuvendin e Përgjithshëm të Zakonshëm e të Jashtëzakonshëm;
6. Të emërojë Sekretarin e Përgjithshëm, me propozim të Kryetarit;
7. Të emërojë kryetarët dhe anëtarët e komisioneve të përhershme dhe të përkohshëm;
8. Të vendosë për krijimin e komisioneve të posaçme nëse është e nevojshme në çdo kohë;
9. Të zgjedh audituesin e pavarur dhe të jashtëm;
10. Miraton kalendarin e garave;
11. Mënyra e punës dhe procedura e vendimmarrjes të drejtat dhe përgjegjësit dhe çështjet tjera me rëndësi për punën e bordit rregullohen me rregulloren e Bordit FPSRK.;
12. Të miratojë dhe të nxjerrë rregullore;
 - a) Rregulloren disiplinore;
 - b) Rregulloren e garave;
 - c) Rregulloren për Regjistrimin/licencimin e klubeve, sportistëve, trajnerve.
 - d) Rregulloren për kalimin e Peshkatarëve nga klubi në klub;
 - e) Rregulloren e Atni-Dopingut;
 - f) Rregulloren për shpalljen e laureatëve të vitit;
 - g) Rregulloren për Kodin Etik
 - h); Rregulloren për organizimin e garave të FPSRK,
 - i) Rregulloren Komisionit të ankesave,
 - j) Të nxjerr dhe të aprovoj rregullore tjera që janë në kompetencë të bordit;
13. Të emërojë ose shkarkojë trajnerët e reprezentacionit.
14. Të shkarkojë një anëtar të një organi, ose të pezullojë një anëtar të FPSRK-së provizorisht deri në Kuvendin e Përgjithshëm të ardhshme;
15. Të propozojë kandidatura të përshtatshme për titullin "President Nderi" dhe "Anëtar Nderi" të FPSRK-së;
16. Miraton plotësim ndryshimet e Statutit, Rregulloren e Kuvendit, Rregulloren e këshillit mbikëqyrës dhe i dërgon ato në kuvend për tu aprovuar;
17. Vendosë për pranimin e punëtorëve në Federatë dhe për lartësinë e pagave të tyre;
18. Cakton lartësinë e mëditjeve për zyrtarë të garave, refer, mbledhjet e bordit, mbledhjet e komisioneve të FPSRK, udhëtime zyrtare jashtë vendit, udhëtime në gara jashtë vendit, Asambletë Federatës Botërore edhe apo Evropiane të Peshkatarisë, udhëtime në seminare ndërkombëtare, udhëtime në trajnime jashtë vendit etj.
19. Miraton planin strategjik të FPSRK-së për një cikël Olimpik.

20. Përfaqëson FPSRK në të gjitha çështjet juridike përmes zyrtarëve të saj apo palëve të treta;

21. Shqyrton të gjitha aplikimet për anëtarësim të ri bazuar në raportin e sekretarit dhe komisionit për regjistrim dhe të bëjë rekomandime për pranimin e tyre në Kuvend;

22. Sipas vlerësimit monitoron kuvendet zgjedhore të klubeve të regjistruar në FPSRK;

23. FPSRK-ja në baza vjetore shpall Laureatët e Vitit.

a) Bordi përcakton në bazë të mundësive buxhetore nivelin apo llojin e shpërblimit për tu ndarë Laureatëve të Vitit në FPSRK.

NENI 38 VENDIMET

1. Bordi konsiderohet i mbledhur rregullisht vetëm nëse janë të pranishëm të paktën 5 (pesë) nga 9 anëtarët e tij qoftë fizikisht apo online.

2. Bordi merr vendime me shumicën absolute (50% + 1 votë) të anëtarëve të Bordit të pranishëm dhe të votave të vlefshme. Votimi me autorizim ose me letër përfaqësimi nuk lejohet.

3. Çdo anëtar i Bordit duhet të tërhiqet nga debati dhe nga marrja e një vendimi nëse ekziston rreziku ose mundësia e konfliktit të interesit.

4. Vendimet e marra regjistrohen në procesverbal.

5. Vendimet e marra nga Bordi hyjnë në fuqi menjëherë, përveç nëse Bordi vendos ndryshe.

NENI 39 KRYETARI

1. Kryetari është kryesisht përgjegjës për:

a) Thirrjen e mbledhjeve të Kuvendit të Përgjithshëm dhe Bordit;

b) Zbatimin e vendimeve të miratuara nga Kuvendi i Përgjithshëm dhe Bordi përmes Sekretarit të Përgjithshëm;

c) Sigurimin e funksionimit efektiv të organeve në mënyrë që ato të arrijnë objektivat e përshkruar në këtë statut;

e) Marrëdhëniet midis FPSRK-së dhe anëtarëve të saj, Federatës Botërore të Peshkatarisë, Federatës Europiane të Peshkatarisë, Komitetit Olimpik të Kosovës, Ministrisë për Kulturë, Rini dhe Sport, Departamentit të Sportit etj.

2. Kryetari i propozon Bordit emërimin e Sekretarit të Përgjithshëm.

3. Kryetari kryeson Kuvendin e Përgjithshëm dhe mbledhjet e Bordit dhe ato komisione në të cilat ai është emëruar kryetar.

4. Kryetari do të ketë 1 (një) votë të zakonshme në Bord. Në rast barazie të votave, Kryetari ka votë vendimtare.
5. Nëse Kryetari mungon ose nuk është i disponueshëm, apo për ndonjë arsye tjetër, ai zëvendësohet nga nënkryetari.
6. Nëse pozicioni i kryetarit bëhet vakant në kuptimin e nenit 35, paragrafi 9, të këtij statuti, ai zëvendësohet nga nënkryetari deri në Kuvendin e Përgjithshëm të ardhshme. Ky Kuvendi i Përgjithshëm do të zgjedhë Kryetarin e ri për periudhën e mbetur të mandatit.
7. Përfaqëson Bordin dhe FPSRK në ngjarjet ndërkombëtare,
8. Nënshkruan vendimet e Bordit dhe të Kuvendit;
9. Urdhëron ekzekutimin e planit financiar,
10. Merr vendime në rrethana të jashtëzakonshme, kur Bordi nuk mund të mblidhen dhe informon këto organe, sa më shpejt të jetë e mundur,
11. Kryen edhe punë tjera të cilat dalin nga ky statut dhe vendimet e Kuvendit dhe Bordit;
12. Kryetari i Federatës ka të drejtën ta propozoj një person për anëtarë-e bordit mirëpo personi në fjale duhet të votohet nga anëtarët e zgjedhur të bordit nëse personi në fjalë i merr 50%+1 votë të anëtareve të bordit anëtar i në fjale futet në listën e anëtareve të bordit ,nëse personi ne fjale nuk i merr 50%+1 votë te anëtarëve te bordit kryetari propozon ndonjë anëtar tjetër për anëtar te bordit.

NENI 40 PËRFAQËSIMI DHE NËNSHKRIMI

Kryetari dhe Sekretari i Përgjithshëm, ose Nënkyetari dhe Sekretari i Përgjithshëm, mund të nënshkruajnë bashkërisht në emër të FPSRK-së, përfaqësojnë, propozohen për organe drejtuese në asamblëtë e Federatës Botërore, Evropiane, KOK, përfaqësojnë FPSRK në takime të ndryshme vendore dhe ndërkombëtare, gara vendore dhe ndërkombëtare etj.

NENI 41 SEKRETARI I PËRGJITHSHËM

1. Sekretariati i Përgjithshëm është organ ekzekutiv, operacional dhe administrativ dhe e kryen detyrat në bazë të këtij statuti, vendimeve të bordit, vendimeve të kuvendit , duhet të respektojë rregulloret e brendshme të FPSRK-së dhe do të përmbushin detyrat e caktuara në mirëbesim.
2. Sekretari duhet të ketë kualifikimet;
 - a) Ta ketë të përfunduar shkollimin e lartë Fakultetin;
 - b) Të flas gjuhen angleze;

- c) Të ketë proveje pune si sekretar të paktën 3 vite;
- d) Të ketë njohuri për financa, administrim, menagjim;
- e) Të ketë njohuri për akte ligjore sportive;
- f) Të ketë njohuri për sportin e Peshkatarisë;
- g) Të ketë aftësi pune me kompjuter;

NENI 42
SEKRETARI I PËRGJITHSHËM
SEKRETARI ËSHTË KRYESISHT PËRGJEGJËS PËR:

1. Sekretari i Përgjithshëm është drejtuesi ekzekutiv i FPSRK-së.
2. Sekretari i Përgjithshëm emërohet nga bordi , me propozim të kryetarit;
3. Sekretari i Përgjithshëm është përgjegjës për:
 - a) Merret me zbatimin e vendimeve të miratuara nga Kuvendi e Përgjithshëm dhe Bordit në përputhje me këtë statut;
 - b) Merr pjesë në Kuvendit e Përgjithshëm dhe mbledhjet e Bordit dhe komisioneve të përhershme dhe të përkohshme pa të drejt vote;
 - c) Merret me organizimin e Kuvendit të Përgjithshme dhe mbledhjeve të Bordit, komisioneve dhe organeve të tjera të FPSRK;
 - d) Përpilimin e procesverbalit për mbledhjet e Kuvendit të Përgjithshme, Bordit dhe komisioneve të përhershme dhe të përkohshme;
 - e) Administrimin dhe mbajtjen e llogaris së FPSRK;
 - f) Korrespondencën;
 - g) Realizon bashkëpunimin të mirë me bordin e FPSRK ,klubet, komisionet, Ministrinë për Kulturë Rini dhe Sport, Departamentin e Sportit, KOK-un, FIPS, etj;
 - h) Merret me organizimin e zyrës së FPSRK;
 - i) Merret me propozimin, shkarkimin e personelit që punojnë në zyrën e FPSRK;
 - j) Siguron mbështetje logjistike dhe operative për zgjedhjet për Komisionin e Verifikimit.
 - k) Menagjon dhe mbikëqyrë shërbimin e kontabilitetit dhe financiar si dhe përgatit planin e buxhetit vjetor të FPSRK-së;
 - l) Ajo vazhdimisht përkrah dhe këshillon anëtarët e FPSRK-së.
 - m) Sekretari i përgjithshëm është përgjegjës për punën e shërbimit administrativ
4. Se bashku me komisionin ligjor udhëheq me draftimin e akteve normative brenda FPSRK (në përputhje me statutin e FPSRK. Ligjin për sport, Ligjin për OJQ, , si dhe nevojave që dalin nga harmonizimi i Federatës Botërore apo Evropiane të Peshkatarisë);

5. Mbanë kontakte me mjetet e informimit,
6. I propozon Bordit, profilin e bashkëpunëtorëve profesional-administrativë,
7. Interpretin aktet e brendshme normative të Federatës,
8. Ekzekutimin dhe monitorimin e planit financiar të FPSRK-së në bazë të kërkesave dhe vendimeve të Bordit;
9. Menagjon Financat e Federatës.
10. Përgatit materialet, dokumentet dhe raportet e duhura për dorëzim ose aplikim në Departamentin të Sportit në MKRS me qëllim të raportimit dhe mbylljes e hapjes së kisteve kuartale;
11. Për punën dhe performancën e tij Sekretari i Përgjithshëm i përgjigjet Bordit të FDTK.
12. Sekretari i Përgjithshëm themelon marrëdhënie të punës me Federatën në bazë të Ligjit mbi Marrëdhënie të Punës.
13. Sekretari i Përgjithshëm mund të shkarkohet edhe para skadimit të mandatit të tij nga bordi i FPSRK (më dy te tretat) e të gjithë anëtarëve të bordit të FPSRK.

NENI 43 **KËSHILLI MBIKQYRËS**

1. Këshilli Mbikëqyrës siguron se kontabiliteti financiar është i plotë dhe i besueshëm, dhe rishikon pasqyrat financiare, pasqyrën financiare të konsoliduar dhe raportet e audituesit të pavarur të jashtëm. Këshilli Mbikëqyrës përbëhet nga kryetari dhe dy anëtarë. Anëtarët e Këshilli duhet të kenë përvojë me çështjet financiare dhe/ose me çështjet rregullatore dhe ligjore dhe nuk mund të përfshihen në asnjë vendim që prek veprimtaritë e FPSRK-së.
2. Këshilli i Mbikëqyrës këshillon, ndihmon dhe mbikëqyr Bordin lidhur me monitorimin e çështjeve financiare dhe të Mbikëqyrës së FPSRK-së, vendos mekanizmat e Auditit dhe monitoron pajtueshmërinë me rregulloret përkatëse të FPSRK-së. Këshilli mbikëqyrës siguron se kontabiliteti financiar është i plotë dhe i besueshëm dhe rishikon pasqyrat financiare, pasqyrën financiare të konsoliduar dhe raportet e auditorëve të pavarur dhe të jashtëm. Këshilli i Mbikëqyrës, me ndihmën e Sekretariatit të Përgjithshëm, zbaton një program pajtueshmërie brenda FPSRK-së.
3. Detajet mbi përgjegjësitë e Këshilli Mbikëqyrës, bashkëpunimin e tij të brendshëm dhe çështje të tjera procedurale përcaktohen në Rregulloren e Këshillit Mbikëqyrës të FPSRK.
4. Kryetari dhe anëtarët e Këshilli të Mbikëqyrës zgjidhen nga Kuvendi i Përgjithshëm për një periudhë 4-vjeçare dhe mund të shkarkohen nga detyra nga Kuvendi i Përgjithshëm. Ata nuk i përkasin asnjë organi tjetër të FPSRK-së.

5. Nëse kryetari, ose një anëtar i Këshilli të Mbikëqyrës pushon përfundimisht së kryeri funksionet e tij zyrtare gjatë mandatit, bordi emëron një zëvendësues për të shërbyer deri në Kuvendit e Përgjithshëm të ardhshme.

NENI 44 KOMISIONET E FEDERATËS

1. Komisionet e FPSRK janë:

- a) **Komisioni i Garave;**
- b) **Komisioni Profesional**
- c) **Komisioni i Peshkatarëve;**
- d) **Komisioni i Referve;**
- e) **Komisioni Legjislativ;**
- f) **Komisioni Mjekësor;**
- g) **Komisioni i regjistrimit/ licencimit të klubeve-shoqatave sportistëve trajnerve**
- h). **Komisioni Dicipinor**
- i) **Komisioni i Ankesave**

2) **Komisionet e përkohshme**

a) **Komisioni i Verifikimit**

2. Kryetarët dhe anëtarët e komisioneve të Verifikimit, Dicipinor, Ankesave nuk mund të jenë anëtarë të Bordi, me përjashtim të Komisionit të referve, garave, profesional, Komisionit të peshkatarëve, Ligjor të cilët mund të jenë pjesë e Bordit. Anëtarët e secilit komision të përhershëm emërohen nga Bordi me propozim të anëtarëve të Bordit FPSRK-së. Bordi siguron përfaqësimin e duhur të femrave në komisione. Kryetarët dhe anëtarët e komisioneve të përhershme caktohen për një mandat 4-vjeçar.

3. Çdo kryetar përfaqëson komisionin e tij të përhershëm dhe e kryen detyrën në përputhje me dispozitat përkatëse të Rregulloreve të Brendshëm të FPSRK-së, të miratuar nga Bordi.

4. Çdo kryetar cakton datat e mbledhjeve në bashkëpunim me Sekretarin e Përgjithshëm, siguron kryerjen e të gjitha detyrave dhe i raporton Bordit të FPSRK.

5. Çdo komision i përhershëm mund ti propozojë Bordit me shkrim ndryshimet e nevojshme në dispozitat përkatëse të Rregullores së Brendshëm të FPSRK-së që kanë të bëjnë me komisionin përkatës.

6. Komisioni i përhershëm nuk ka fuqi vendimmarrëse, përveç nëse përcaktohet ndryshe në këtë statut ose rregulloret e organizimit të brendshëm të FPSRK-së.

NENI 45 KOMISIONI I GARAVE

Komisioni i Garave mbikëqyr organizimin dhe zhvillimin e garave të organizuara nga FPSRK, në përputhje me Statutin dhe Rregulloret e garave të FPSRK-së duke pasur të drejtë të propozojë përmirësime në rregulloret përkatëse apo strukturën e garave. Komisioni i Garave përbëhet nga një kryetar dhe dy anëtarë, Komisioni i garave përgatit kalendarin e garave dhe i dërgon bordit për miratim.

NENI 46 KOMISIONI PROFESIONAL

Komisioni Profesional do të jetë kompetent për analizimin e aspekteve themelore të trajnimit dhe zhvillimi të Peshkatarisë. Ai është përgjegjës për programet zhvillimore të FPSRK-së, duke hartuar dhe propozuar strategji të përshtatshme për dhënien e suportit dhe monitorimin e zbatimit të strategjive karshi anëtarëve duke ofruar asistencë për Bordin për çështjet e zhvillimit në përgjithësi. Komisioni përbëhet nga një kryetar, dhe 2 (dy) anëtarë.

NENI 47 KOMISIONI I PESHKATARËVE

1. Komisioni i peshkatarëve përbëhet nga sportistët e Peshkatarisë ku kryetari i këtij komisioni automatikisht është edhe anëtar i bordit të FPSRK.

NENI 48 KOMISIONI I REFERVE

Komisioni i Referve implementon rregulloren e garave FPSRK. Komisioni emëron referet dhe pozitat e tyre në garat të organizuara nga FPSRK duke administruar çështjet e arbitrimin në bashkëpunim me administratën si dhe duke monitoruar edukuar e trajnuar referet. Komisioni i referve përbëhet nga një kryetar dhe 2 (dy) anëtarë.

NENI 49 KOMISIONI LIGJISLATIV

Komisioni Legjislativ mbikëqyr respektimin, propozon plotësim ndryshimin e statutit dhe rregulloreve të FPSRK përmes azhurnimit të normave juridike në përputhje me standardet e Federatës Botërore/Evropiane të Peshkatarisë, Ligjin për sport, Ligjin për organizata jo qeveritare, Ligjin për parandalimin dhe sanksionimin e dhunës në sport, me propozim të Bordit të FPSRK. Komisioni Legjislativ përbëhet nga një kryetar dhe dy anëtarë, ku njëri prej tyre duhet të jenë me fakultet juridik.

NENI 50 KOMISIONI I MJEKSOR

Komisioni mjekësor përbëhet nga tre anëtarë, të cilët zgjedhën nga Bordi i -FPSRK ku njëri nga ta duhet të jete kryetar. me mandat katër vjeçar, me mundësi të rizgjedhjes edhe për një mandat tjetër. Komisioni mjekësor është përgjegjës për medicinën sportive, dhe për të mbrojtur shëndetin e sportistëve.

Komisioni mjekësor i informon sportistët, trajnerët etj.. në lidhje me rregullat dhe nenet për Anti Doping, nga lista e WADA (World Anti Doping Organisation), valid për vitin kalendarik.

NENI 51

KOMISIONI I REGJISTRIMIT/ LICENCIMIT TË KLUBEVE-SHOQATAVE SPORTISTËVE TRAJNERVE

1. Organet e licencimit të klubeve janë përgjegjëse për sistemin e regjistrimit/licencimit të klubeve, sportistëve, trajnerëve brenda FPSRK-së në përputhje me Rregulloren e regjistrimit/Licencimit të Klubeve të FPSRK-së.
2. Organet e regjistrimit/licencimit të klubit , sportistëve, trajnerëve përbëhen nga një organ i shkallës së parë i cili është Komisioni i Licencimit të Klubeve.
3. Detajet mbi përgjegjësitë e Komisionit të regjistrimit/Licencimit të Klubeve, sportistëve, trajnerëve bashkëpunimin e tij të brendshëm dhe çështje të tjera procedurale përcaktohen në Rregulloren e Komisionit të regjistrimit/Licencimit të Klubeve, sportistëve ,trajnerëve të FPSRK.
4. Vendimet e miratuara nga organi i komisionit te apelit për regjistrimit/ licencimin e klubeve, sportistëve, trajnerëve mund të apelohe vetëm pranë CAS-it në Kosovë në përputhje me parashikimet në këtë statut.
5. Komisioni i Apelit është përgjegjëse për trajtimin e mosmarrëveshjeve midis klubeve dhe triatleteve në lidhje me çështjet qe kanë të bëjnë mes vete apo me FPSRK-në.
6. Komisioni për regjistrimit/licencimit të klubeve, sportistëve, trajnerëve përbëhet nga tre anëtarë, të cilët zgjedhën nga Bordi i -FPSRK, ku njëri nga ta duhet të jetë kryetar.

KOMISIONET E PAVARUR

NENI 52

PAVARËSIA INSTITUCIONALE

1. Komisionet e pavarura, si dhe anëtarët e tyre, kryejnë aktivitetet dhe detyrat e tyre plotësisht të pavarur, por gjithmonë në interes të FPSRK-së dhe në përputhje me statutin dhe rregulloret e saj.
2. Kryetari dhe anëtarët e Komisionit të Verifikimit respektojnë kriteret e pavarësisë siç përcaktohet në paragrafin 3 më poshtë.

3. Personat e përmendur në paragrafin 2 më sipër, si dhe anëtarët e ngushtë të familjeve të tyre nuk mund të ushtrojnë ose të kenë ushtruar gjatë katër viteve para fillimit të funksionit të tyre ndonjë funksion ekzekutiv në FPSRK, brenda një prej Anëtarëve "Anëtar i ngushtë i familjes" i lidhur me një person do të thotë bashkëshorti ose bashkëjetuesi i personit në fjalë, vëllezërit e motrat, prindërit, gjyshërit, xhaxhallarët, hallat, fëmijët (përfshirë njerkun/njerkën ose fëmijë të adoptuar), kunati, kunata, vjehrrri ose vjehrra.

NENI 53 KOMISIONI I VERIFIKIMIT

1. Komisioni i Verifikimit është organi përgjegjës për organizimin dhe mbikëqyrjen e procesit zgjedhor në përputhje me këtë Statut, Rregulloren e Kuvendit të FPSRK-së dhe kryerjen e kontrollit të integritetit. Komisioni i Apelit shqyrton ankesat kundër vendimit të Komisionit të Verifikimit.
2. Komisioni Verifikimit përbëhet nga tre anëtarë, të cilët zgjedhën nga Kuvendi i -FPSRK, ku njëri nga ta duhet të jetë kryetar.

NENI 54 ORGANET GJYQËSORE

1. Organet gjyqësore janë:
 - a) Komisioni Disiplinor dhe Etikës;
 - b) Komisioni i Apelit;
2. Organet gjyqësore duhet të përbëhen në mënyrë të tillë që anëtarët, së bashku, të kenë njohuritë, aftësitë dhe përvojën e specializuar që është e nevojshme për realizimin e duhur të detyrave të tyre. Kryetarët, anëtarët e Komisionit Disiplinor dhe Etikës, Komisionit të Apelit, ku njëri nga ta duhet të jenë të kualifikuar si juristë, me më shumë se 1 vite eksperiencë profesionale, apo të jenë ish sportist apo njohës të sportit.
3. Të gjithë anëtarët kanë mandat 4-vjeçar me të drejtë rizgjedhje sipas rregullave të këtij statuti.
4. Kryetarët dhe anëtarët e tjerë të organeve gjyqësore zgjidhen nga kuvendi dhe nuk duhet të jenë anëtarë të asnjë organi tjetër të FPSRK-së.
5. Nëse kryetari ose një anëtar i një organi gjyqësor i ndërpritet kryerja e funksionit zyrtar gjatë mandatit të tij, Bordi emëron një zëvendësues deri në kuvendin e radhës.
6. Përgjegjësitë dhe funksioni i organeve gjyqësore përcaktohen në Rregulloret përkatëse të Komisioneve të FPSRK-së.

NENI 55 KOMISIONI I DISIPLINOR DHE I ETIKËS

1. Komisioni i Disiplinor dhe i Etikës përbëhet nga 3(tre) anëtarë, kryetari dhe dy anëtarë.
2. Komisioni i Disiplinor dhe Etikës, si rregull, shqyrton çështjet në trupa gjyquese me tre anëtarë.
3. Funkzioni i Komisionit të Disiplinor dhe Etikës rregullohet nga Rregulloja Disiplinor edhe Kodi i Etikës i FPSRK-së.
4. Komisioni i Disiplinor dhe Etikës mund të japë sanksionet e përshkruara në këtë statut dhe rregulloren e komisionit Disiplinor dhe Kodin Etikës të FPSRK-së për anëtarët, zyrtarët, triathletët, klubet, etj.
5. Këto dispozita nuk prekin kompetencat e Kuvendit të Përgjithshëm dhe Bordit në lidhje me pezullimin dhe përjashtimin e anëtarëve.

NENI 56 KOMISIONI I APELIT

1. Komisioni i Apelit përbëhet nga kryetari, dhe 2(dy)anëtarëve të tjerë të zgjedhur në asamblenë e federates.
2. Komisioni i Apelit, si rregull, shqyrton çështjet me tre anëtarë rast pas rasti.
3. Funkzioni i Komisionit të Apelit rregullohet me rregulloren e Komisionit të ankesave.
4. Komisioni i Apelit është përgjegjës për trajtimin e ankesave kundër vendimeve të Komisionit të Verifikimit, Komisionit Disiplinor dhe Etikës, bordit të FPSRK, komisioneve të FPSRK .
5. Vendimet e dhëna nga Komisioni i Apelit mund t'i referohen vetëm CAS në Kosovë, CAS në Lozanë.

NENI 57 ARBITRAZHI

1. Mosmarrëveshjet brenda FPSRK-së ose mosmarrëveshjet që prekin anëtarët e FPSRK-së, klubet-shoqatat, anëtarët e klubeve-shoqatave, peshkatarët dhe zyrtarët mund të animohen në shkallën e fundit (d.m.th. pas shterimit të gjitha forumeve të brendshme të FPSRK-së) në CAS në Kosovë, CAS në Kosovë i cili jep zgjidhje përfundimtare për mosmarrëveshjet duke përjashtuar gjykatat e juridiksionit të zakonshëm.
2. Mosmarrëveshjet e nivelit ndërkombëtar që lindin ose lidhen me statutin, rregulloret, direktivat dhe vendimet e FIPS ose KOK mund të paraqiten në shkallën e fundit në CAS-it në Lozanë siç përcaktohet në statutin e FIPS.

NENI 58 JURIDIKSIONI

1. FPSRK-ja ka juridiksion mbi mosmarrëveshjet e brendshme kombëtare, d.m.th. mosmarrëveshjet midis palëve që i përkasin ose janë të lidhura me FPSRK-në.

2. FIPS kanë juridiksion mbi mosmarrëveshjet ndërkombëtare, d.m.th. mosmarrëveshjet midis palëve që u përkasin shoqatave dhe/ose konfederatave të ndryshme, në përputhje me rregulloret përkatëse.
3. FPSRK do të sigurojë pajtueshëmeri në e të gjithë subjekteve që i nënshtrohen juridiksionit të saj, me çdo vendim përfundimtar të miratuar nga një organ i FIPS ose CAS-it.

FINANCAT NENI 59 PERIUDHA FINANCIARE

1. Periudha financiare e FPSRK-së është një vit, ajo fillon më 1 janar dhe përfundon më 31 dhjetor.
2. Të ardhurat dhe shpenzimet e FPSRK-së menaxhohen në mënyrë që ato të ekuilibrohen gjatë periudhës financiare. Detyrat kryesore të FPSRK-së në të ardhmen garantojnë përmes krijimit të rezervave.
3. Sekretari i Përgjithshëm është përgjegjës për hartimin e pasqyrave vjetore të konsoliduara të FPSRK-së me deri më 31 dhjetor.

NENI 60 TË ARDHURAT

Të ardhurat e FPSRK-së përfshijnë:

- a) kuotat vjetore të anëtarëve;
- b) financime nga MKRS
- c) donacione, sponzorime.
- d) të ardhura të tjera në përputhje me objektivat e ndjekur nga FPSRK;
- e) çdo e ardhur tjetër në lidhje me aktivitetet e Peshkatarisë;
- f) çdo e ardhur tjetër legale;

NENI 61 SHPENZIMET

FPSRK mbulon:

- a) Shpenzimet e parashikuara në buxhet;
- b) Shpenzime të tjera të miratuara nga Kuvendi i Përgjithshëm dhe shpenzime që Bordi ka të drejtë të kryejë brenda fushës së kompetencave të tij;
- c) Të gjitha shpenzimet e tjera në përputhje me objektivat e ndjekura nga FPSRK.

NENI 62 AUDITUESI I PAVARUR I JASHTËM

Audituesi i pavarur i jashtëm të emëruar nga Bordi, kontrollojnë çdo vit llogaritë e miratuara nga Komisioni mbikëqyrës në përputhje me parimet e duhura të kontabilitetit dhe paraqesin një raport para Kuvendit të Përgjithshme. Raporti i auditimit i kalohet Bordit dhe duhet t'i kalohet pa ndryshime Kuvendit të Përgjithshme për miratim. Audituesi e pavarur i jashtëm emërohen nga Bordit, për një periudhë 4-vjeçar me mundësi vazhdimi . Mandati i tyre mund të rinovohet.

NENI 63

KUOTAT E ANËTARËSISË

1. Kuotat e anëtarësimit për anëtarët vendosen nga Bordi i FPSRK dhe paguhen brenda datës 1 Qershor të çdo viti.
2. Bordi përcakton shumën e kuotës vjetore çdo katër vite me rekomandimin e Bordit.

NENI 64

BOTIMI I TË DHËNAVE FINANCIARE

- 1.FPSRK boton në faqen e saj zyrtare dokumentet financiare të përmendura në nenin 29, paragrafi 2 "i", "j" dhe "k" të këtij statuti pasi pikat përkatëse të jenë miratuar nga Kuvendi i Përgjithshme.
- 2.Shpërblimi i anëtarëve të Bordit (përfshirë Kryetarin), Sekretarit të Përgjithshëm dhe anëtarëve të komisioneve të pavarura do të bëhet rregullisht publike (p.sh. përmes botimit në faqen zyrtare të FPSRK-së).

NENI 65

KONFLIKTI I INTERESIT

- 1.Çdo anëtar i organeve duhet të tërhiqet nga diskutimet dhe nga marrja e një vendimi nëse ekziston rreziku ose mundësia e konfliktit të interesit.
- 2.Në veçanti, anëtarët e organeve duhet të jenë gjithmonë të vetëdijsëm dhe të veprojnë në përputhje me dispozitat përkatëse të Kodit të Etikës të FIPS mbi konfliktin e interesit dhe të rregullojnë sjelljen e tyre kur është e nevojshme (p.sh. të abstenojnë nga kryerja e detyrave të tyre, të njoftojnë kryetarin në rastet e konflikteve të mundshme të interesit, etj.).
3. Sekretarin i Përgjithshëm nuk mund të jenë njëkohësisht edhe Kryetar i klubit që është anëtarë në FPSRK.
4. Bordi do të nxjerr rregullore mbi konfliktin e interesit.

NENI 66

TË DREJTAT

1. FPSRK dhe anëtarët e saj janë pronarët origjinalë të të gjitha të drejtave që burojnë nga gara dhe aktivitete të tjera që kryhen nën juridiksionin e tyre përkatës, pa asnjë kufizim për sa u përket përmbajtjes, kohës dhe vendit. Këto të drejta përfshijnë, ndër të tjera, çdo lloj të drejte financiare, regjistrim audioviziv dhe radiofonik, të drejtat e riprodhimit dhe transmetimit, të drejtat multimediale, të drejtat e marketingut dhe promovimit dhe të drejtat jomateriale, siç janë emblemat dhe të drejtat që rrjedhin nga ligji për të drejtat e autorit.

2. Bordi vendos se si dhe deri në çfarë mase përdoren këto të drejta dhe harton rregullore të veçanta për këtë qëllim. FPSRK sigurohet që shitja e këtyre të drejtave të kryhet në mënyrë transparente dhe në përputhje me statutin dhe rregulloret e FPSRK-së, si dhe ligjet kombëtare në fuqi.

NENI 67 MIRATIMI

Klubet-shoqata ose çdo grup tjetër që janë të lidhur me FPSRK në nuk mund të marrin pjesë në gara në territorin e një Federate tjetër pa autorizimin e FPSRK.

NENI 68 BOTIMI I DOKUMENTEVE TË FEDERATËS

FPSRK-ja boton në faqen e saj zyrtare të internetit dokumentet dhe informacionin e mëposhtëm:

- a) Statutin dhe vendimet e Kuvendit të Përgjithshëm;
- b) Rregulloren e Kuvendit të Përgjithshëm;
- c) Rregulloren e Komisionit e Disiplinor dhe kodin e Etikës;
- d) Rregulloret e Organizimit të Brendshëm;
- e) Vendimet më të rëndësishme;
- f) Strategjinë e saj;

NENI 69 SHPËRBËRJA E FEDERATËS

1. Çdo vendim në lidhje me shpërbërjen e FPSRK-së kërkon shumicën e dy të tretave të të gjithë anëtarëve me të drejtë vote në FPSRK-së. Vendimi duhet të merret në një Kuvend të Përgjithshëm të thirrur posaçërisht për këtë qëllim.

2. Në rast të shpërbërjes së FPSRK-së, Kuvendi do të tregojë emrin e shoqatës që do të marrë pasurinë e mbetur pasi të jenë paguar borxhet e organizatës. Shoqata(t) e zgjedhura duhet të kenë qëllime të njëjta ose të ngjashme sikurse organizata.

NENI 70
HYRJA NË FUQI

Ky statut u miratua nga anëtarët e Kuvendit të Përgjithshëm të **Federata e Peshkatarëve Sportiv Recreativ të Kosovës** mbajtur në Prishtinë më 23.02.2025 dhe hyn në fuqi menjëher pas miratimit nga anëtarët e kuvendit dhe Statuti i mëparshëm i FPSRK-së shfuqizohet.

NENI 71
DISPOZITA TRANZITORE

1. Të gjitha aktet normative të FPSRK-së do të harmonizohen me këtë statut.

Për Federatën e Peshkatarisë të Kosovës

Prishtinë më 23.02.2025

Kryetari: Milaim Vitia

